


„ხარს ვგეგვარ ნაიალღარს, რქით მიწასა ვჩხვერ ვებუღუნებ.
 ღმერთო, სამშობლო მიცოცხლე, მძინარეც ამას ვღუღუნებ.“ ვაჟა



თავისუფლება



825 / 2
 1979

საქართველოს განთავისუფლებისათვის მებრძოლთა ორგანო

გამოცემის პასუხისმგებელი: გიორგი წერეთელი.

TAVISSOUPLEBISS TRIBOUNA

Journal périodique en langue géorgienne

№26 PARIS. Troisième trimestre. 1979 მესამე მეოთხედი. პარიზი. №26

გ ა მ ო ც ე მ ი ს მ ე ე ქ ვ ს ე წ ე ლ ი

Djoadzge's Library

მ ე ს ა მ ე ს ვ ე ტ ი

მკითხე და გეტყვი: რის თამარს,
 ქართვის ცხოვრების რა ვიცი მეტი,
 რისი ერეკლე, საქართველოსთვის
 დავითი არის პირველი სვეტი.

რისი აკაკი, საქართველოსთვის
 ილია არის მეორე სვეტი!

გაღუნულია მწვანე ალვის ხე.
 აწეწილია სამშობლოს ხედი.

მკითხე და გეტყვი, რომელი ვაჟა,
 ან თუნდაც შოთა, -ამაზე მეტი?!

ღმერთო გვაღირსე, ღმერთო გვაღირსე,
 ღმერთო გვაღირსე მესამე სვეტი!

უცნობი ავტორი

შ ი ნ ა ა რ ს ი

- .2 აგვისტოს აჯანყების 55 წლისთავი
- .3 საბჭ. კავშირის მართიანებელი ძალები (გაგრძელება)
- .8 ბიძინა კერატიშვილის გასამართლება
- .11 სამშობლოს ქრონიკები
- .12 ღაღადი, ტრანსლიტერაცია და მრავლობითი რიცხვი
- .15 კორნელი კეკელიძის 100 წლისთავი
- .16 შალვა ნუცუბიძე
- .17 ხელოვნის სსოვნას
- .18 მაქსიმ გორკი და ლენინი
- .19 ორი მეგობრის მოსაგონარაი
- .21 ქალბატონ ლილია ღონღუას გარდაცვალება
- .21 „საჭირო გასწორება“-ს გასწორება
- .23 განცხადება

მოწინავე
 ელენ კარეა დ'ანკოსი
 გიორგი წერეთელი
 ზეინაზ ზურაბიშვილი
 გიორგი ჯაყელი
 გრიგოლ წერეთელი
 გოგი ლუბაშვილი
 უნიკო შეგიარდი
 რედაქცია
 გიორგი წერეთელი

გ. ქართველი
 „თ.ტ.“

აგვისტოს აჯანყების 55 წლის თავი

ამ ნომერს ვიწყებთ ქართველი ხალხის დიდმნიშვნელოვან ეროვნულ თარიღს, — 1924 წლის აგვისტოს აჯანყების მოგონებით. 55 წელი გვაშორებს იმ დღეებიდან, როცა ქართველმა ხალხმა არად ჩაავლო ცივი გონებით განსჯილი სიფრთხილის მოსაზრებები და რუსეთის მპყრობელობიდან განთავისუფლების მიზნით საყოველთაო სახალხო აჯანყების დროსა ააფრიალა. მიუხედავად იმისა, რომ აჯანყების ორგანიზაცია (დამკომი) სუსტი გამოდგა და აჯანყება წინასწარ ვაცემული, ქართველი ხალხის რევოლუციური ალტკინება ისე ძლიერი იყო, რომ საქართველოს მთელ რიგ კუთხეებში აჯანყებულებმა მაინც ხელთ იგდეს სრული ძალაუფლება ადგილობრივი საბჭოთა მმართველების, პოლიციელების და კომუნისტების დაპატიმრების შემდეგ.

ნათქვამია: **ზოგიერთი დამარცხება ბევრ გამარჯვებას სჯობია.**

ამის ნათესაყოფად კრწანისის ბრძოლაც საკმარისია. მიუხედავად დამარცხებისა, ის შევიდა ჩვენი ქვეყნის ისტორიაში, როგორც ქართველი კაცის ბუნებით მამაცობისა და სამშობლოსთვის თავდადების მაგალითად და ვაკეთილად. ასევე 1924 წლის აგვისტოს აჯანყება ხასიათდება უმწიკვლო რაინდობით და კეთილშობილებით (არავითარ შურისძიებას, ხოცვა-ჟლეტას აჯანყებულების მხრით ადგილი არ ჰქონებია), ნამდვილი პატრიოტიზმით და მამულისთვის უანგარო თავდადებით.

აჯანყება დამარცხდა... მაგრამ მასზე მუდამ ილოცებენ ჩვენი ერის თაობები, სამაგალითო, მისხაბდ მაგალითად ეყოლებათ მასში მონაწილე და დაღუპული მამულიშვილები, რადგანაც ამ შეუპოვარი აჯანყებით, ყოველგვარი ორჭოფობის გარეშე, ქართველმა ხალხმა მსოფლიოს უჩვენა, რომ საქართველო რუსეთი არ არის, რომ ქართველობა არავითარ მსხვერპლის წინაშე უკან არ დიხევს დღეს ისევე დაიცვას რუსებისაგან თავისი ეროვნული განსხვავებულება და სახელმწიფოებრივი დამოუკიდებლობა, როგორც ამას გუშინ ჩვენი წინაპრები სჩადიდონდნენ აღმოსავლეთის და დასავლეთის სხვა დამპყრობელების მიმართ.

გამარჯვებული საბჭოთა ხელისუფლება მხეტყრად გაუსწორდა აჯანყებას. პირტუკეების ვაგონებში ჩამწყვდეული ბრალიანი და უბრალო მოსახლეობის ამოჟლეტა, საპატიმროებებიდან ღამღამობით ასობით გაყვანილი და გაუსამართლებლად დახვრეტლი მამულიშვილების უმანკო სისხლი წარუხოცელ სამარცხვინო ლაქად აჩნია საბჭოების უამისოდაც სისხლიან დროშებს.

აჯანყებულებიდან ვინც მაშინ გადარჩა და თავს უცხოეთში გამოხიზნით არ უშველა, სტალინ-ვერო-ბერიამ, მოგვიანებით, 1934-38 წლებში ვაალო მუსრი, ისევე გაუსამართლებლად, უწყალოდ და უანგარიშოდ. ყველა მათ საფლავებს მადლიერი ერისაგან გააპტიოსნება და თაყვანება ესაპიროებათ. ხოლო, იმ გმირული გამოსვლების მონაწილეებიდან, რომლებიც დღეს კიდევ ცოცხლები არიან და ჩვენთან ერთად კვლავ სამშობლოს სადღერძელოდ მოღვაწეობენ სამშობლოში თუ გადმოხვეწილობაში, მათი მომეხთი თაობის სახელით მადლობას მივუძღვნე და ვუსურვებ ჯანმრთელ სიცოცხლესთან ერთად მოსწრებოდნენ იმ საქმის გამარჯვებას, რომლისთვისაც მათ ამ 55 წლის წინად თავიანთი ქაბუტური სისხლის გაღება არ დაინანეს.

აგვისტოს აჯანყებიდან ბევრი დიდმნიშვნელოვანი დასკვნის გაკეთება შეიძლება. ამჟამად მხოლოდ იმ ერთად დავკმაყოფილდეთ, რომელიც ყველაზე აქტუალური და საპირობა: მარქსისტი თუ არამარქსისტი სოციალისტი, ეროვნული დემოკრატი თუ უპარტიო მამულიშვილი გვერდიგვევრდ იბრძოდნენ სამშობლოს განთავისუფლებისათვის, ერთად დაეცნენ ბრძოლის ველზე, ერთად ეწამენ საპატიმროებში და ვადასახლებებში, ერთად გადაიტანეს და იტანენ გადმოხვეწილების მძიმე ხვედრს, მიუხედავად იმისა, რომ თვითველ მათგანს ჰქონდა თავისებური შეხედულება საქართველოს მახ. წყობილებაზე, სოციალურ და ეკონომიურ ფილოსოფიაზე, წარსულის დაფასებაში და მომავლის წარმოდგენაში. ამას ეწოდება საბრძოლო მძობამეგობრობა და ამ საერთო ბრძოლის მძობამეგობრობით უნდა ვიხედომდევანეთო დღესაც. არ უნდა დავემონთ პიროვნულ, ჯგუფურ ან პარტიულ დემონებს. პირადი ვანცდები დავუმორჩილოთ ცივი გონების განსჯას. ნუ გამოუფშვებთ მხედველობიდან, რომ მთელი ეროვნული ძალების მობილიზაციის გარეშე არ არსებობს ქართველი ერის ხსნა.



საბჭოთა კავშირის მათეტიანებელი ძალები : პოლიტიკური და სამხედრო ხელისუფლება. (გაგრძელება. დასაწყისი იხ. „თ.ტ.“ №25)

ფედერალიზმის რეალობა

თუ მოვუბრუნებთ მომავლის პერსპექტივებს, რომლებიც ჩაწერილი არიან კონსტიტუციაში, რათა გამოვარკვიოთ დღევანდელი რეალობა პოლიტიკური სისტემისა, უნდა ხაზი გავუსვათ: სახელმწიფო არის და რჩება ერების თანაბარი მონაწილეობის საკუთრება ხელისუფლებაში ორ დონეზე: ცენტრში და მოკავშირე ან ავტონომიურ რესპუბლიკებში.

როგორ ხორციელდება ეს პოლიტიკური თანასწორობა პრაქტიკაში? ცენტრში, სსრკ-ს უმაღლესი საბჭო არის, კანონით, სახელმწიფოს უმაღლესი ხელისუფლების ორგანო. ერები იქ წარმოდგენილი არიან თანაბარზე მეტი რაოდენობით. 1970 წელს არარუსი ერები, რომლებიც მცხოვრებლების 26,1 პროცენტს შეადგენდნენ ეკავათ 40,3 პროცენტი ადგილი. მაგრამ, როგორც კი მოგვბრუნდებით იმ ორგანოებისაკენ სადაც იმყოფება რეალური ხელისუფლება სახელმწიფოსი – უმაღლესი საბჭოს პრეზიდიუმი, მინისტრთა საბჭო, სახელმწიფო კომიტეტები – მდგომარეობა იცვლება. უმაღლეს საბჭოს პრეზიდიუმში, რომელიც მუდმივად ორგანოა მეტად ეპიზოდური პარლამენტის, თავმჯდომარე, რომელიც სახელმწიფოს მეთაურის როლს ასრულებს, მუდამ იყო სლავი, გარდა მიქოიანისა(1964 - 65). სსრკ-ს მინისტრთა საბჭოში რუსების წილი, დაუფრო ზოგადად სლავების, არის გამსრესი, რადგანაც ისინი განაგებენ 90% თანამდებობებისას და ისინი მუდამ ასრულებენ მის თავმჯდომარეობას(გამონაკლისია სტალინი, მაგრამ ის ისე არ ჩაითვლება ეროვნების წარმომადგენლად როგორც მიქოიანი). იგივე მდგომარეობაა სახელმწიფო კომიტეტებში, რომელთა კომპეტენცია ერთდამიანე დროს იმყოფება ცენტრში და რესპუბლიკებში(მაგალითად სახ. უშიშროების კომიტეტი, სახ. გეგმის კომიტეტი და სხვა.)

ეროვნებათა პოლიტიკური ხელმძღვანელების ასეთი არასაკმარისი წარმომადგენლობა ცენტრში, მათ უკრძალავთ რუსებთან თანაბრად მიიღონ მონაწილეობა გადაწყვეტილების მიღებაში.

სამაყეროდ, რესპუბლიკების სახელმწიფოთა ხელისუფლებები მთლიანად არიან შესაბამის ეროვნებების წარმომადგენლების ხელში? აქაც, თეორია და პრაქტიკა მთლად ერთმანეთს არ ემთხვევა. ყოველგვარი ექვის გარეშე საკრებულოები და მთავრობები რესპუბლიკებისა გამოხატავენ მათში მცხოვრებ ხალხების შეზღუდვას. როცა მხედველობაში გვაქვს სხვადა სხვა რესპუბლიკის ხელისუფლების ორგანოები – უმაღლესი საბჭო, მინისტრთა საბჭო – ყველან ადებულ ერის წარმომადგენლებს უკავიათ ყველა თანამდებობები. რუსების რიცხვი იქ მცირეა, ხშირად სრულებით არ არის. კიდევ მეტი, როცა სტალინის დროს ზოგიერთი ძირითადი თანამდებობები – მინაგანი სამინისტრო, სახ. უშიშროების – ეკავათ რუსებს, დღეს ეს თანამდებობებიც უკავიათ ეროვნებათა წარმომადგენლებს. მაგალითად უკრაინაში 1977 წელში მინაგან საქმეთა მინისტროა ივან გოლოვჩენკო და ს.უ. კომიტეტისა ვიტალი ფედორჩუკი, შინადა უკრაინული წარმოშობის გვარები. ლატვიაში შინაგანი სამინისტრო ეკუთვნის იანის ბროლიუს და ს.უ.კ-ისა კი ლონკინ ავდოუკეიჩს, ლიტვური გვარების წარმომადგენლებს და ა.შ. სხვა რესპუბლიკებშიც. მაგრამ საშიშია აქედან გამომდინარე ნაქარევი დასკვნის გამოტანა რესპუბლიკების ხელისუფლებაში რეალური ავტონომიის საფეხურის შესახებ. მრავალი მონაცემები გვიჩვენებენ რესპუ-

ბლიკების მმართველობის ავტონომიის საზღვრებს. პირველ რიგში, საჭიროა ითქვას, რომ რესპუბლიკების უმაღლესი საბჭოები, რომლებიც სსრკ-ს უმაღლესი საბჭოს მსგავსად, არიან, კანონით, მთელი სახელმწიფო ხელისუფლების მქონენი; დებუტატებად იქ, ყოველი ექვის გარეშე, იმ ერების წარმომადგენლებია, რომლებიც მათ ირჩევენ და პრეზიდიუმებში, რომლებსაც ეს საკრებულოები ირჩევენ, წარმოდგენილი არიან იგივე ეროვნებების წარმომადგენლები. მაგრამ პოლიტიკური პრაქტიკა გვიჩვენებს, რომ რესპუბლიკების უმაღლესი საბჭოები სსრკ-ის უმაღლეს საბჭოებს მიმართ უმდაბლესები არიან. ამის დამადასტურებელია, უბირველესად, დრო; რესპუბლიკების უმაღლესი საბჭოების სესიები ყოველთვის მიმდინარეობენ სსრკ-ს უმაღლესი საბჭოს მოწვევის შემდეგ, რაც მოასწავებს, რომ მათი სხდომები




იმეორებენ იმ გადაწყვეტილებებს, რომლებიც უკვე მიღებული იყვნენ მოსკოვში, სადა უმაღლეს საბჭოს რომ სურდეს რესპუბლიკების საბჭოების გაძლიერება და მათი უსწრესი ტიპების მხედველობაში მიღება, მაშინ ამ საკრებულოთა მოწვევის რიგი პირობით უნდა აღდგოდეს, ე.ი. ჯერ რესპუბლიკების უმაღლესი საბჭოების და შემდეგ სსრკ-ის უმაღლესი საბჭოს სესია. ამ მდგომარეობას აღნიშნავს პრესაც, ის ვაიცილებით მეტ ადვილს უთმობს სსრკ-ის უმაღლეს საბჭოს ხსდომებს, ვიდრე რესპუბლიკებისას და ეს ითქმის არა მარტო ცენტრის პრესაზე, არამედ აგრეთვე რესპუბლიკების პრესებზედაც. ყველა ეს მონაცემები გვარწმუნებს, რომ მნიშვნელოვანი დადგენილებები იღება ცენტრში და, რომ რესპუბლიკების საკრებულოები ემსახურებიან მათ განხიანებას.

ეკონომბათა ხელისუფლების მეორე დამახასიათებელ თვისებას წარმოადგენს სამინისტროების პასუხისმგებლობის განაწილება ცენტრსა და პერიფერიას შორის. როცა ვაკვირდებით რესპუბლიკების მთავრობების შემადგენლობას, თვალში გვეცემა ის დიდი შეუფარდებლობა, რომელიც არსებობს საკავშირო და რესპუბლიკურ ხასიათის სამინისტროებს შორის. ფედერაცია თავის საქმიანობას ანხორციელებს მთელ საბჭოთა ტერიტორიაზე ფედერაციულ(საკავშირო)-რესპუბლიკური სამინისტროების და სახელმწიფო კომიტეტების საშუალებით, რომლებიც ემორჩილებიან იმ ავტორიტეტს, შესაბამის ცენტრალურ ორგანოს და რესპუბლიკის მინისტრთა საბჭოს. რომელი რესპუბლიკაც არ უნდა ავიღოთ მაგალითისთვის, ვრწმუნდებით, რომ, რაც სამინისტროებს შეეხება, განაწილება დაახლოებით ასეთია: დაახლოებით ოცი სამინისტრო საკავშირო-რესპუბლიკური ხუთ რესპუბლიკურ სამინისტროზე. ორმაგ ავტორიტეტს დაქვემდებარებული სამინისტროების დიდრიცხობრივ წონას ემატება აშკარა უთანაბრობა საქმის მნიშვნელობისა რომელიც მათ აკისრიათ. ყველა მნიშვნელოვან დარგს ხელისუფლებისას აწარმოებენ საკავშირო-რესპუბლიკური სამინისტროები. მაგალითისთვის ავიღოთ ბელორუსია 1977 წელში. საკავშირო-რესპუბლიკური სამინისტროები იქ იყვნენ: ავტოკულტურის, კავშირგაბმულობის, ინდუსტრიის ხელსაწყოთა აღმშენებლობის, კულტურის, განათლების, საფინანსო, კვების ინდუსტრიის, საგარეო საქმეების, ტყის, ჯანმრთელობის, უმაღლესი და საშუალო სპეციალური განათლების, ინდუსტრიული აღმშენებლობის, ბინათმშენებლობის, სამართლის, მიწის უდაბაირის და წყლების, მსუბუქი ინდუსტრიის, ხორცის და რძის პროდუქტების, მარაგის და მომარაგების, სასოფლო აღმშენებლობის, ტყის და ხის გადამამუშავებელი ინდუსტრიის და ვაჭრობის სამინისტროები.

წმინდა რესპუბლიკური სამინისტროები საწინააღმდეგოდ შემოფარგლური არიან ადგილობრივი მნიშვნელობის საკითხებით: გზების მშენებლობის და მათით სარგებლობის, კვების, ბინის და კომუნალური მომსახურების, ადგილობრივი ინდუსტრიის, საავტომობილო ტრანსპორტის, სოციალური უზრუნველყოფის, ტორის ინდუსტრიის სამინისტროები. მცირე განსხვავებით ყველა რესპუბლიკას აქვს სახელმწიფოს ორგანიზაციის ასეთივე სქემა. ესტონეთში საკავშირო-რესპუბლიკური სამინისტროებია 19, რესპუბლიკური 5. ლატვიაში 20 სამინისტრო საკავშირო-რესპუბლიკურია, 5 რესპუბლიკური. უკრაინაში 28 სამინისტრო საკავშირო-რესპუბლიკურია, 6 სამინისტრო რესპუბლიკური. ორმაგ კონტროლის ქვეშ მყოფ სამინისტროების განსხვავებულობა სხვადასხვა რესპუბლიკებში განიარაღებულია ქვეყნის ეკონომიური თავისებურებით(უკრაინაში სახელმწიფო ფერმების, წყლის ენერჯის და რკინის მეტალის დამამუშავებელს ექცევა განსაკუთრებული ყურადღება, ხოლო შუა აზიის რესპუბლიკებში ირავაციის საქმეს), ამ განსაკუთრებულ შემთხვევებში საჭიროა განსაკუთრებული სამინისტროები, რომლებსაც არ ვხვდებით ყველა დანარჩენ რესპუბლიკებში. სამაგეროდ რესპუბლიკების კომპეტენცია ნათლად არის განსაზღვრული და ის სრულიად უმნიშვნელოა: ადგილობრივი მნიშვნელობის გზები, სოციალური უზრუნველყოფა, ადგილობრივი ტრანსპორტი, კვების მომსახურება და მუნიციპალური სამსახური. ცვლილებები ერთი რესპუბლიკიდან მეორეში უმნიშვნელოა.

ცენტრის წონას პერიფერიული რესპუბლიკების მიმართ ციფრე უფრო აძლიერებენ სახელმწიფო კომიტეტები, რომლებიც, აგრეთვე, ძლიერ მრავალრიცხოვანი არიან. 1977 წ. ბელორუსიაში 15 სახ. კომიტეტი. აქედან: 12 დაქვემდებარებულია ორმაგ ავტორიტეტს, სსრკ-ს და ბელორუსიის მინისტრთა საბჭოებს, და მხოლოდ სამი დამოკიდებულია უშუალოდ ბელორუსიის ს.რ.-ს მინისტრთა საბჭოს. ორმაგ ავტორიტეტს დაქვემდებარებული სახელმწი-




ფო კომიტეტებია: გეგმის, მშენებლობის, სახალხო კონტროლის, კინოს, გამომცემლობის, ბეჭდვის და გაერკელების, რადიო-ტელევიზიის, ფასების, შრომის, პროფესიონალური ტექნიკური სწავლების, უშიშროების(კ.გ.ბ.), ტექნიკის და სოფლის მეურნეობის მანქანა-იარაღით უზრუნველყოფის და სტატისტიკის.

– მხოლოდ რესპუბლიკის ავტორიტეტს დაქვემდებარებულია: ბუნების დაცვის, ტექნიკური და მატერიალური მომარაგების და გაზთი მომარაგების სახელმწიფო კომიტეტები.

როგორც ვხედავთ, სახელმწიფო კომიტეტები განაწილებული იმავე პრინციპით როგორც სამინისტროები და მხოლოდ რესპუბლიკის გამგებლობაში დატოვებული საქმეები არიან, ერთ და იმავე დროს, მცირერიცხოვანი და მცირემნიშვნელოვანი. აქაც, ერთი რესპუბლიკიდან მეორეში მდგომარეობა უცვლელია.

აქ საჭიროა რამდენიმე შენიშვნის გაკეთება. უბრაველესად, თუ 1936 წ. კონსტიტუცია და განსაკუთრებით ახალი არ განსაზღვრავს ზუსტად ფედერაციულ და რესპუბლიკურ გამგებლობაში მყოფ საქმეებს, ცხადია, რომ პრაქტიკაში ხელისუფლება მუდამ მოქმედობდა საკავშირო კომპეტენციის გასაძლიერებლად და მისი საკუთრების გასაფართოებლად. ეს განსაკუთრებით ცხადია კონსტიტუციის იმ ორი მუხლის განხილვით, რომელიც დამატებულ იქნა 1944 წელს, და, რომელიც თითქოს ეროვნებების სუვერენობის გამოჩენას ემსახურება სსრკ-ში: უფლება ეროვნული არმიების ყოლისა და დამოუკიდებელი საგარეო პოლიტიკის ქონებისა. ნაციონალური არმიების ყოლის უფლობრივი მუხლი ცხოვრებაში არასოდეს არ ყოფილა განხორციელებული, რადგანაც ის წინააღმდეგი იყო არსებულ სამხედრო კანონების და ის კიდევაც ამოღებულ იქნა 1977 წლის კონსტიტუციიდან. რაც შეეხება საგარეო საქმეთა პოლიტიკას, ზოგიერთი რესპუბლიკა ცდილობს ჰქონდეს თავისი. უკრაინა და ბელარუსია სარგებლობენ თითო-თითო ადგილით გაერთიანებულ ერთა ორგანიზაციაში და სხვადასხვა საერთაშორისო ორგანიზაციებშიც არიან წარმოდგენილი. აღმოცავლეთ ევროპის ყველა სოციალისტურ სახელმწიფოს(იუგოსლავიის ჩათვლით, მაგრამ ალბანეთის გამოკლებით) ყავს საკონსულო კიევიში, მაშინ, როცა კუბას, ინდოეთს და ეგვიპტეს ყავთ ქ. ოდესაში. საერთოდ კიევიში და ოდესაში მყოფი საკონსულოები იქ არიან საბჭოთა მთავრობასთან შეთანხმებით და არა უკრაინის მთავრობის ნებართვით. 1970 წლის დასაწყისში უკრაინის ვაჭრობის მინისტრმა ხელი მოაწერა სავაჭრა ხელშეკრულებას პოლონეთთან, რუმინეთთან და უნგრეთთან, მაგრამ აქაც საკითხი ეხებოდა მცირე მნიშვნელობის და მცირერიცხოვან ვაჭრებებს. საერთოდ კი უკრაინა თავის საერთაშორისო საქმეებს უთმობს, ან იძულებულია დაუთმოს სსრკ-ს მთავრობას. მხოლოდ ხანდახან ის თავად უშუალოდ ასრულებს მას; კანადის შემთხვევაში, სადაც უკრაინელების მრავალრიცხოვანი კოლონიაა, საბჭოთა საელჩოში მსახურობს ბევრი უკრაინული წარმოშობის დიპლომატი. სხვა რესპუბლიკებიდან, მხოლოდ ესტონეთი სარგებლობს საერთაშორისო სარბიელზე ცოტა უკეთესი სტატუსით, რადგანაც მას შეუძლია მეზობელ ფინეთთან შედარებით თავისუფალი ურთიერთობა, რომელთანაც მას აქვს კულტურული ნათესაობა. ეს იშვიათი კავშირები რესპუბლიკებისა სსრკ-ს გარეშე მყოფ ქვეყნებთან არ მოწმობენ მათ განსაკუთრებულ საგარეო პოლიტიკას, პირიქით ისინი გვიჩვენებენ სსრკ-ში შემავალ რესპუბლიკების ავტონომიის ძალიან დაბალ დონეს.

მეორე შემთხვევა ეხება სულ ახალ მიდრეკილებას საკავშირო ხელისუფლების სარბიელის ვაჭართობისას ადმინისტრაციული მეთოდით, და ეს 25-ე ყრილობის დადგენილების საწინააღმდეგოდ, რომელიც მოითხოვდა კომპეტენციის გაღატანას ცენტრიდან რესპუბლიკების განკარგულებაში. ამ ძირითადი დადგენილების საწინააღმდეგო პრაქტიკის საჩვენებლად კარგი მაგალითია ის, რომ 1976 წელში, შრომის და ხელფასების კომიტეტი, რომელიც მანამდე, როგორც სხვა კომიტეტები, წარმოდგენილი იყო რესპუბლიკებში და ემორჩილებოდა ორმაგ ავტორიტეტს – ცენტრისას და რესპუბლიკებისას. ამავე დროს ბევრ რესპუბლიკაში არსებობდა კომიტეტი მხოლოდ ადგილობრივი გამგებლობის, რომლებიც მუშაობდნენ რესურსების და მუშახელის გამოყენების საკითხებში. ასეთი დაყოფა საქმიანობისა – შრომის საერთო პრობლემის ცენტრალიზაცია და მუშახელის პრობლემის დეცენტრალიზაცია – მიმატებულია, რომ დაქვრივდა სოც. უზრუნველყოფა მუდამ იყო რესპუბლიკების განკარგულებაში ხელს უწყობდა მათთვის პირად გამგებლობაში ისეთი საქმეების დატოვებას, რო-



მღებშიც რესპუბლიკებს შეეძლოთ თავიანთი ავტორიტეტის მცირეოდენი წარმოება.

1976 წელს ეს კომიტეტი ექნა რეორგანიზებული, რომელიც ოფიციალურად კითხვის ქვეშ არ აყენებს მის წინააღმდეგ ორმავე ავტორიტეტთან დამოკიდებულებას, მაგრამ ის კითხვის ქვეშ აყენებს რესპუბლიკების გამგებლობის საკიროებას ამ საქმეში. მართლაც, ეს კომიტეტი ვადაიქცა შრომის და სოციალურ საკითხების კომიტეტად, რაც მას აძლევს ვაკალეტობა მერ თვისებებს, ვიდრე მას ჰქონდა წარსულში, რადგანაც ხელფასებს ახლა ემატება მუშახელის განაწილება, თანამდებობების საკითხები და შეიძლება, მაგრამ აუცილებელი არ არის, სოციალური უზრუნველყოფაც.

გასაგებია ასეთი რეფორმის საკიროება. მანამ სანამ საბჭოთა კავშირში მუშახელი უხვი იყო და მათი სრული გამოყენება შესაძლებელი, სავარაუდებელი იყო, რომ ყველა წამოკრილი საკითხი ადგილობრივ მოგვარდებოდა, მაგრამ დემოკრატიული სხვადასხვაობა დღეიდან სავალდებულო ხდება მუშახელის განაწილების საკითხში, მათი გეოგრაფიული განაწილების და თანამდებობების საკითხები ვადაიქრას საერთოდ მთელ საბჭოთა კავშირისთვის, მოსკოვში. არცერთ რესპუბლიკას ცალკე აღარ შეუძლია ვადაწყვიტოს არც მუშახელის მომარაგების, არც კაპიტალური დაბანდებების საკითხები. მუშახელის საკითხების ცენტრალიზაციის საკიროება ცხადია, მაგრამ ამ რეფორმის შედეგაც ცხადია აგრეთვე: წმინდა რესპუბლიკური სამინისტროების ან სამმართველოებების საკიროება აღარ არსებობს. და ამრიგად კიდევ უფრო კლებულობს რესპუბლიკების პირად ვანკარგულებში მყოფი საქმეები, და ეს ვაშინაც, როცა ამას ამართლებს ეკონომიკის რაციონალიზაცია. ამ საკითხში საქმე ვევაქვს უქვევლად ცენტრალიზაციის ვაძლიერებასთან, რომელიც ახლო მომავლის საკიროებით არის ვამოწვეული. ვაინც შეუძლებელია უარყოფა, რომ ცენტრალიზაციის ამ შემთხვევაში ვაძლიერება არცერთ სხვა დარგში არ არის ანაზღაურებული ვამგებლობის ვადატანით ცენტრიდან რესპუბლიკებში. ეს რეფორმა თავსდება საბჭოთა ხელისუფლების იმ საერთო მიდრეკილებაში, რომელიც მდგომარეობს კავშირში შევავალ რესპუბლიკების სახელმწიფო წყობილების ვაქრობაში.

საბჭოთა სახელმწიფოს ორგანიზაციაში, მის ცენტრში და შევადგენელ რესპუბლიკებში, ამ სწრაფი ვაყენითვის შემდეგ შევიძლია ორი დასკვნა ვავაკეთოთ: პირველი; სტალინის დროსა და ახლანდელ შორის არის ძალიან დიდი ვანსხვევა იმ საკითხში, რომელიც ეხება წილს რესპუბლიკებისას კავშირის საერთო პოლიტიკაში. ყოველგვარი ექვის ვარეშე, ეს წილი ერთი და იგივე არ არის ცენტრში და პერიფერიაში. საკავშირო დაწესებულებებიდან, ერები კარგად არიან წარმოდგენილი უვადლეს საბჭოში, მაგრამ უმინშენლოდ არიან წარმოდგენილი ხელისუფლების და ადმინისტრაციის ორგანიზებში. საწინააღმდეგოდ, რესპუბლიკებში ყველგან არიან ერთგული კადრები. ადგილი აღარ აქვს, როგორც წარსულში, რუსების ვაყენებას ხელისუფლების ორგანიზებში. ვანსაკუთრებით აღარ არსებობს ვანსაკუთრებული პოსტები, რომლებიც არ შეეძლოთ ეკავით არარუსებს. ყველა თანამდებობა რესპუბლიკებში შეუძლია ეკავოს და კიდევაც უკავია ადებულ ეროვნების წარმომადგენლებს.

მეორე დასკვნა, რომელიც საწინააღმდეგოა პირველის, რუსების დიდი უმრავლესობა ცენტრალურ ხელისუფლებაში და ცხადი უწონასწორობა – და მზარდი პერიფერიაში – საკავშირო და რესპუბლიკების ვამგებლობაში მყოფ საქმეების, რასაც მოწმობს სამინისტროების აგებულობა, ვეჩვენებენ, რომ ვადაწყვეტილებები, პოლიტიკური ხასიათისა, არიან ძირითადში ცენტრალიზებული და ვაშასადავამ ის არ არის ვარარუსების ხელში. საბჭოთა პოლიტიკის და ეკონომიკის ცხოვრება ისეა მოწყობილი, რომ ვადაწყვეტილებები არის ცენტრალური ხელისუფლების საქმე, რომელიც მცირე ადგილს უთმობს არარუსებს, ვაშინ, როცა ეროვნებებს აქვთ მათ შინ თითქმის მხოლოდ მათ ვანკარგულებაში ვატარება ანუ ვანხორციელება იმ ვადაწყვეტილებების, რომლებიც მათ არ მიუღიათ.

ეს დიდი დამორება ცენტრის ვადაწყვეტილებას და მის შესრულებას შორის ხსნის იმ სამინისტროების და კომიტეტების მინშენობას და სიმრავლეს, რომლებიც დაქვემდებარებული არიან შესაბამის ორგანოებთან მოსკოვში. სწორედ ეს დაქვემდებარება ემსახურება ეროვნულ კადრებზე კონტროლს. აქედან ვხედავთ იმ ცვლილებას, რომელიც კონტროლმა ვანიცადა სტალინის შემდეგ. სტალინის დროს კონტროლი წარმოებდა ადამიანების საშუალებით. რუსები იმყოფებოდნენ ვასაღებ თანამდებობებზე და ისინი უშუალოდ



აწარმოებდნენ კონტროლს ეროვნებათა სახელმწიფო აპარატებზე. მისმა მემკვიდრეებმა არჩიეს ეს პირდაპირი და ღია კონტროლი შეეცვალათ უფრო ადმინისტრაციული კონტროლით, რომელიც გამომდინარეობს აპარატების ურთიერთ დამოკიდებულებიდან. დიდი უხერხულობის ანუ რისკის გარეშე, შესაძლებელია მთავარი დარგების მიწოდება ეროვნულ კადრებისადმი იმ შემთხვევაში თუ ისინი პასუხისმგებლები არიან არა მარტო თავიანთ მთავრობის წინაშე, არამედ აგრეთვე ცენტრალურ ადმინისტრაციის წინაშეც, რომელიც მოსკოვში იმყოფება და, რომელზეც საბოლოო ანგარიშით ის არის დამოკიდებული, რადგანაც საკავშირო და რესპუბლიკების მთავრობებს შორის უთანხმოების შემთხვევაში არავითარი არბიტრაჟი არ არსებობს მათ შორის უფლებამოსილების შესახებ და ყოველთვის ცენტრის გადაწყვეტილება იმარჯვებს რესპუბლიკისაზე. -

ეს მდგომარეობა არ შეიძლება არ იწვევდეს დაბრკოლებებს. რესპუბლიკების კადრები მუდამ მზად არიან იყვნენ მხოლოდ ამსრულებლები იმ პოლიტიკის, რომელიც გამომთქვამებულია უმაღლეს დონეზე? რესპუბლიკების ელიტები მუდამ თანახმა არიან დაუშვან, რომ მათი მთავრობები იყვნენ მხოლოდ მეორე დონეზე პასუხისმგებლობაში და განიცდიდნენ ცენტრის ვერტიკალურ კონტროლს, რომელიც განუწყვეტილ ზღუდავს რესპუბლიკების უფლებრივ სუვერენობას? ცხადია, რომ არსებობს საბაბები უთანხმოებისა და თვის განხეთქილებისაც. თუ ეს უთანხმოება ან განხეთქილება მხოლოდ აქა-იქ მქდავდება, ე.ი. თუ მას საყოველთაო ხასიათი არ აქვს, ეს იმიტომ, რომ ცენტრალური ადმინისტრაციის ვერტიკალურ კონტროლს აძლიერებს პარტიის უფრო პირდაპირი და ეფექტიური კონტროლი. პარტიის როლის შესახებ შემდეგ ნომერში.

ელენ კარერ ღ'ანკოს

საბჭოთა საქართველოს მმართველობა

გასულ წელში, საქ. სსრ-ის ახალი კონსტიტუციის მიღების შემდეგ, 30 დეკემბრის გაზეთ "კომუნისტში" გამოქვეყნდა კანონი საქართველოს სსრ მინისტრთა საბჭოს შესახებ. საქ. სსრ მინისტრთა საბჭოს ქმნის საქ. სსრ უმაღლესი საბჭო შემდეგი შემადგენლობით: მინისტრთა საბჭოს თავმჯდომარე, თავმჯდომარის პირველი მოადგილე და მოადგილეები, მინისტრები, სახელმწიფო კომიტეტების თავმჯდომარეები.

მინისტრთა საბჭოს შემადგენლობაში თანამდებობების მიხედვით შედიან აფხაზეთის ასსრ მინისტრთა საბჭოს თავმჯდომარე და აჭარის ასსრ მინისტრთა საბჭოს თავმჯდომარე.

- საქ. სსრ მინისტრთა საბჭო ურთიერთ მოქმედებს სსრ კავშირის სამინისტროებთან, სახელმწიფო კომიტეტებთან, სსრ კავშირის მინისტრთა საბჭოს საქვეუწყებო სხვა ორგანოებთან საქართველოს სსრ მინისტრთა საბჭოს და ამ ორგანოების კომპეტენციის განხორციელებისა და ეკონომიკური და სოციალური განვითარების გეგმების, უშიშვანლოვანესი კომპლექსური საერთო-სახელმწიფოებრივი, სადარგაშორისო და რეგიონალური პროგრამების შესრულებისას.

სსრ-ის მინისტრთა საბჭოსთან საქ. სსრ მინისტრთა საბჭოს ყოველდღიური კავშირ-ურთიერთობის უზრუნველყოფის მიზნით სსრ კავშირის მინისტრთა საბჭოსთან არსებობს საქ. სსრ მინისტრთა საბჭოს მუდმივი წარმომადგენლობა.

საქ. სსრ საკავშირო-რესპუბლიკური სამინისტროები:

განათლების, დამზადების, ვაქრობის, იუსტიციის, კავშირგაბმულობის, კვების მრეწველობის, კულტურის, მედიკინის და წყალთა მეურნეობის, მსუბუქი მრეწველობის, მშენებლობის, საგარეო საქმეთა, სასოფლო მშენებლობის, სატყეო მეურნეობის, საშენ მასალათა მრეწველობის, სოფლის მეურნეობის, უმაღლესი და საშუალო სპეციალური განათლების, ფინანსთა, შინაგან საქმეთა, ხე-ტყის და ხის დამამუშავებელი მრეწველობის, ხორცისა და რძის და ჯამრთელობის დაცვის სამინისტროები. სულ 21 სამინისტრო საკავშირო-რესპუბლიკური ხასიათის.

საქ. სსრ რესპუბლიკური სამინისტროები:

ადგილობრივი მრეწველობის, მოსახლეობის საყოფაცხოვრებო მომსახურების, საავტომობილო



გზების, საავტომობილო ტრანსპორტის, საბინაო-კომუნალური მეურნეობის, სოციალურ უზრუნველყოფის სამინისტროები. სულ 6 რესპუბლიკური სამინისტრო.

საქ. სსრ საკავშირო-რესპუბლიკური სახელმწიფო კომიტეტები:

საგვემო, მშენებლობის საქმეთა, მატერიალურ-ტექნიკური მომარაგების, შრომის, ფასების, პროფესიულ-ტექნიკური განათლების, ტელევიზიისა და რადიომაუწყებლობის, კინომატოგრაფიის, გამოცემლობათა, პოლიგრაფიისა და წიგნის ვაჭრობის საქმეთა, სახელმწიფო უშიშროების, სოფლის მეურნეობის საწარმოო-ტექნიკური უზრუნველყოფის; სულ 11.


საქ სსრ რესპუბლიკური სახელმწიფო კომიტეტები:

მეცნიერების და ტექნიკის, ბუნების დაცვის. სულ 2.

ბ ი ძ ი ნ ა კ ე რ ა ტ ი შ ვ ი ლ ის გ ა ს ა მ ა რ თ ლ ე ბ ა

„ო.ტ.“ №23-ში სათაურის „საქ. ეკლესიის აღორძინება?“ ქვეშ ვიუწყებოდით: „საქართველოდან მიღებული შეუმოწმებელი ცნობების მიხედვით მიტროპოლიტი გაიოზი, სამოქალაქოში ბიძინა კერატიშვილი დაპატიმრებული უნდა იყოს თქვა.“ საბ. საქართველოს ოფიციალური პრესა დღემდე დუმდა ამ საკითხზე და არც ყურნალ „სამშობლოს“ გამოუჩენია ენაწყლიანობა. მხოლოდ ა.წ. 22 მაისის გაზ. „კომუნისტთან“ რედაქტორის სვეტის გულდასმით წაკითხვის შემდეგ, მკითხველს შეუძლია გაიგოს, რომ ადგილი ჰქონებოდა ბიძინა კერატიშვილის, ამ „ხუცესად ნაკურთხი ავაზაკისა და ყალბადანდის“ გასამართლებას. რედაქტორი მკითხველს ჰპირდება: „ამ დღეებში საკასაციო ვადის გასვლისთანავე, პრესა ოფიციალურ ცნობას მიაწვდის მოსახლეობას“-ო, ხოლო რედაქ. ბედნიეშვილი კი ამ წერილში ერთი არაკის მსგავსად მოიქცა: უგუნრმა ცაცმა დაუღლილი ხარ-კამიერა გუთხანს უკანადად რომ გაუბა. როგორც ის უგუნური უხვ მოსახლეს ვერ მოიმიცადა, ისე „კომუნისტის“ რედაქტორი მისი შეგონების ნაყოფს არ უნდა მოელოდეს, რადგანაც, ჯერ ერთი, საზოგადოება საქმის ვითარებაში არ არის, და მეორეც, კერატიშვილის საქმე უბრალო მოქალაქეების ბრალი კი არ არის, როგორც წერილის ავტორის სურს წარმოადგინოს, არამედ ეს არის საბჭოთა რეჟიმის, საბჭოთა მთავრობის კიდევ ერთი ბოროტება და ამიტომ მისი სრული პასუხისმგებლობაც მასვე უნდა მოეთხოვოს. აქვე უნდა დაეძინო: საერთოდ კარგი კალმოსანი, ბატონი ბედნიეშვილი ამ სტატიამი დაბნეული და უხერხული ჩანს; არ ვიცი რატომ სურს მკითხველებს დაუმტკიცოს, რომ ლამაზი ქალის მკერდზე დაკიდებული ძვირფასი ჯვარტყმა არამც და არამც არ შეიძლება განძად იწოდოს, განძად ქცივის-სთვის თურმე საეკლდებულო ყოფილა, რომ ის იყოს: ან საერთო საკუთრება, ან დადებული ეკლესიაში, ან დაფლული მიწაში და სხვა ამგვარი უსუსური შეგონებანი. ბატონი ბედნიეშვილი მის მიერვე დასმულ სამართლიან კითხვებს პასუხს ვერ აძლევს და საცოდავად წვალობს, რომ სასაცილო მდგომარეობიდან თავი დაიძვრინოს. მაგრამ მოვეშვათ „კომუნისტის“ რედაქტორს და დაგუბრუნდეთ კერატიშვილის სასამართლოს.

დიდი ხნის ჰოქმანის შემდეგ, 13 ივნისის „კომუნისტში“ დაიბეჭდა რედაქტორის მიერ დაპირებული ოფიციალური ცნობა „საქინფორმის“ სააგენტოს კორესპონდენტის ბ. კ. ამალოზაშვილის მიერ ხელმოწერილი, რომლის სათაურია „ანაფორის საფარველი“. ამ მისხლობელ აწონილ კომუნიკეან მოვიყვანთ ზოგიერთ ადგილებს სიტყვასიტყვით: „თბილისის საქალაქო სასამართლო კოლეგიამ: ალ. ალადაშვილის თავმჯდომარეობით, სახალხო მსაჯულების: გ. ბერძენიშვილის, მ. გამყემლიძის, პროკურორ ნ. ამბოკაძის, საზოგადოებრივი ბრალმდებლის, ცხუმ- აფხაზეთის მთავარი ეპისკოპოსის ნიკოლოზ მახარაძისა და ადვოკატ ვ. ველიაშვილის მონაწილეობით, ხსდომის მდივნის ი. ილურიძის თანდასწრებით, განიხილა კერატიშვილის სისხლის სამართლის საქმე და მიუსაჯა მას თხუთმეტი წლის თავისუფლების აღკვეთა და ქონების კონფისკაცია...“, „...კერატიშვილის ბინაზე აღმოჩენილ ქონების საერთო ღირებულებამ შეადგინა 288.721 მანეთი, აქედან 100.045 მანეთის ნივთები ამოცნობილ იქნა როგორც საეკლესიო და ეკლესიასვე დაუბრუნდა, ხოლო დანარჩენე-



ბიდან ისეთები, რომლებიც ექსპერტიზის დასკვნით შეფასდა როგორც სამუზეუმო და აქტივობა ეროვნულ-ისტორიული მნიშვნელობა, გადაეცა საქ. სსრ სახელმწიფო მუზეუმს, კერძოდ კერძოდ ლის ბინაში აღმოჩენილი ძველი, იშვიათი ხელნაწერები - საქ. სსრ მეცნიერებათა აკადემიის კ.კეკელიძის სახელობის ხელნაწერთა ინსტიტუტს, კალსტრატე ცინცაძის შემოწირული 264 საეკლესიო წიგნი დაუბრუნდა საპატრიარქოს, ხოლო სხვა წიგნები გადაეცა კარლ მარქსის სახელობის რესპუბლიკურ ბიბლიოთეკას. კერატიშვილის საკუთარი ავტომანქანა „გაზ-24“ კონფისკებულია სახელმწიფო ბიუჯეტის სასარგებლოდ... ვინაა კერატიშვილი? კამალაბოების მიხედვით უნივერსიტეტიდან და სემინარიიდან გამოძევების შემდეგ, 1971 წელს კათალიკოსი ეფრემ მეორე ბ. კერატიშვილს დებულობს საპატრიარქოში მღივნად. იმავე წლის 14 დეკემბერს კერატიშვილი ბერად აღიკვეცება „ძმა გაიოზს“ სახელით. სამი დღის შემდეგ იეროდიაკონობას მიიღებს, მეხუთე დღეს მღვდელ-მონაზვნად აკურთხებს პატრიარქი, ხოლო ერთი წლის თავზე აყვანილი იქნა მღვდელმთავრად ეპისკოპოსის ხარისხით და ჩაბარდა წილკნის ეპარქიის მმართველობა. ამის შემდეგ ეფრემ მეორე მალე გარდაიცვალა. მის ადგილზე არჩეულმა დავით მეხუთემ ეპისკოპოს გაიოზს მიტროპოლიტობა მიანიჭა, ჩააბარა მცხეთის ეპარქია და სემინარიის რექტორობა და ვინაიდან პატრიარქი ღრმა მოხუცებული და ავადმყოფი იყო, ფაქტიურად მიტროპოლიტი გაიოზი განაგებდა მთელ საპატრიარქო საქმეებს.

კ. ამალაბოების მიხედვით, მიტროპოლიტი გაიოზი, იგივე ბ. კერატიშვილი დააბატონა, როცა ის სათუველირო ვაჭრობის შემსყიდველ პუნქტში ყოფდა ეკლესიებიდან ნაძარცვ ძვირფასეულობას და ბინის ვაჩხრავის დროსაც მისთვის უნახავთ სხვადასხვა ეკლესიებიდან და საპატრიარქოდან გატაცებული ვანძეულობა : ხატები, ძვირფასი პანალიები, ჯვრები, ღვდელმთავრის კვერთხები, საცეცხლურები და სხვა საეკლესიო ოქრო-ვერცხლის და იშვიათი თვალ-მარგალიტებით მოქედილი ნივთები, რომელთაც ფასი არ დაედებათ, როგორც ქართველი ერის და მისი ქრისტიანული ეკლესიის კულტურის იშვიათი მოწმებელი.

ჩვენი მკითხველისათვის საინტერესოდ მიგვაჩნია მოკვირვანთ ამალაბოების კორესპონდენციის ის ადგილი, რომელიც ეხება სასამართლოს ეპისკოპოსი ვანჩინებებს:

„ერთერთ მათგანში აღნიშნულია, რომ საქ. მართლმადიდებელ ეკლესიებში სრულიად დაუცველია ქონება, რომელიც მეტწილად უდიდესი კულტურულ-ისტორიული ღირებულებების ხელნაწერების ნაწარმოებებს წარმოადგენს. მიუხედავად იმისა, რომ ეკლესიებში არსებობს აღმასრულებელი ორგანოები, რომელთა თავმჯდომარეებსაც, რაიადმასკომებთან არსებული რელიგიის კულტის ხელმძღვანელებს კომისიებთან ერთად უშუალოდ ევალებათ ნივთების სწორი აღრიცხვა-დაცვა, ისინი ხშირად ამ მნიშვნელოვან საქმეს სრულად უპასუხისმგებლოდ ეკიდებიან, რის გამოც წლების მანძილზე სხვადასხვა ეკლესიიდან გატაცებულ იქნა უამრავი მატერიალური და კულტურული ღირებულებანი. აქ, აგრეთვე საპატრიარქოში და ეკლესიამონასტრებში ფაქტიურად არ არსებობს საინვენტარიზაციო ეურნალები და არ წარმოებს ნივთების ზუსტი აღრიცხვა.“

„კერძოდ ვაჩინებამო ასევე აღნიშნულია, რომ სახალხო დემუტრატა საბჭოების რაიადმასკომების ზოგიერთი თანამდებობის პირი ყოვლად უპასუხისმგებლოდ ეკიდება ამ მეტად მნიშვნელოვან ეროვნულ საქმეს.“

„ეკლესიებსა და მონასტრებში არსებული ქონების გატაცებას თავიანთ უკონტროლობით სხვადასხვა დროს ხელი შეუწყვეს აგრეთვე სსრ კავშირის მინისტრთა საბჭოსთან არსებული რელიგიის საქმეთა საბჭოს რწმუნებულებმა საქართველოს რესპუბლიკაში.“

სანამ ამ ცნობის კომენტარზე გადავიდოდეთ, ბ. კ. ამალაბოების კორესპონდენციიდან ისიც უნდა აღვნიშნო, რომ ბიძინა კერატიშვილმა სასამართლოს წინაშე თავი დამნაშავედ არ ცნო ქურდობის ბრალდებაში. როცა მას მოწმეები წაუყენეს პირში, მან უპასუხა: ეს ნივთები მაჩუქეს აწ განსვენებულმა პატრიარქებმა ეფრემ მეორემ და დავით მეხუთემ, ანდა სანაგვეზე ან საპატრიარქოში ვიპოვეო.

კერატიშვილის განკვეთა ეკლესიიდან

ჩვენი მკითხველები იცნობენ ბიძინა კერატიშვილს. როცა „თვითგამოცემით“ მივიღეთ „განცხადება ქართ. მართლმადიდებელი ეკლესიის მღვდლობრებობაზე“ 1974 წ. თარიღით, „თ.



ტ. №6-ში დაბეჭდვით მისი ვრცელი შინაარსი, გამოგებმაურეთ ამის ირგვლივ და მოძახილებს, კერძოდ ლონდონის გაზეთ „ტიმსში“ პროფ. დ. ლენგსა და ბ. პ. რედკევის შორის ატეხილ დავას „ო.ტ.“-ის მეცხრე ნომერში და მეათე ნომერში მოთავსებული იყო მთლიანად ზვიად გამსახურდიას და წერილი პროფესორ დ. ლენგისადმი. თუ ჩვენ ამ საქმეს ამდენი ადგილი დავთმობთ, ეს იმიტომ, რომ ის ჩვენ მნიშვნელოვნად გვესახებოდა ეროვნული თვალსაზრისით და საჭიროდ მიგვაჩნდა მისი გახშირება და მასზე, როგორც ქართული ისე საერთაშორისო აზრის გამოძახილი.

სრულიად საქართველოს მართლმადიდებელ ქრისტიანულ ეკლესიის კათალიკოს-პატრიარქად მიტროპოლიტ ილია შიოლაშვილის არჩევის შემდეგ, მიტროპოლიტ გაიხიზს, იგივე ბიძინა კერატიშვილის ეკლესიიდან განკვეთის ცნობა მისასაღმებელი მოვლენაა. მის უწმინდესობას ილია მეორეს ამის შემდეგ ხელფეხი ხსნლი აქვს მის გამგებლობაში მყოფ ეკლესიის მსახურთა კადრის გაჯანსაღებისათვის, რა თქმა უნდა, იმ სასწავლებელში, რომელზეშიდაც ის ჩაკეტილი ჰყავს საბჭოთა რეჟიმს.

თუ დღეს ბიძინა კერატიშვილი საქ. ეკლესიის კათალიკოსის ტახტის მაგივრად დასჯილი ბოროტმოქმედის ძენაკში ზის, ამას უნდა ვუმადლოდეთ მორწმუნეთა და პატრიოტთა თავდადებას. მათ სივრდელ დაუჯდათ ეს, მაგრამ უქმად არ ჩაუვლია. ჩამოვთვალთ ზოგიერთი მთავანი: სიონის ეკლესიის დარაჯი ილარიონ სამხარაძე, სვეტიცხოვლის მღვდელ-კონსერვატორი ვ. შალამბერიძე, რომელიც დაიღუპა საექვო ავტომობილის ავარიში, სიონის ეკლესიის ყოფილი მგალობელი ვალენტინა ფაილოძე, რომელიც დასჯილი იყო რამდენჯერმე ცილისწამების ბრალდებით და ამჟამადაც დაპატიმრებულია, ისტორიკოსი თეიმურაზ ჯვარშიშვილი, რომელმაც თავს იდგა კერატიშვილისადმი წაყენებული ბრალდების პასუხისმგებლობა, გასამართლეს ყალბი ბრალდებით და ოთხი წლის ციხე მიუსაჯეს, დაბოლოს, ზვიად გამსახურდია და შერაბ კოსტავა თავიანთი ჯგუფით, რომლებმაც დავით ქორძის გამოძიება „თვითგამოცემის“ გზით გააცვენეს საქართველოს და მიუღწიეს ფილოს. რომ ამ უკანასკნელს დიდი მნიშვნელობა ჰქონდა კერატიშვილის ბედის გადაწყვეტაში მოწმობს გაზეთ „კომუნისტის“ რედაქტორის ბედინეიშვილის სიტყვები: „...კერატიშვილის და მისთანა ბნელ საქმეებზე ქართველმა „დისიდენტებმა“ აკი ხელი მოათბობინეს ჩვენს იდეურ მტრებს.“-ო.

ამრიგად, როგორც საქართველოში ისე მის გარეთ, მსოფლიო ეკლესიების თვალში დამდაბლდა საქ. მართლმადიდებელი ქრისტიანული ეკლესია და სუკის აქტივობა ამოო გამოდგა კერატიშვილისთვის საჭირო ავტორიტეტის შესაქმნელად. ხუთი წლის მერყეობის შემდეგ, ხელისუფლებამ გადაწყვიტა გამყდანებული აგენტის გაწირვა. ეს მით უფრო შესაძლებელი გახდა, რომ კერატიშვილის დასჯა განსაკუთრებით არ ვნებდა. კომპარტიის დღევანდელ პირველ მდივანს ელუარდ შევარდნაძეს და სხვა ხელმძღვანელობას გარდა სუკის უცვლელი თავმჯდომარისა აღუქსანდრე ინაურისა. შეიძლება ამ უკანასკნელის თავიდან მოშორებაც დღის წესრიგში იდგეს, თუმცა სასამართლო სრულებით არ შეხებია ინაურის გამგებლობაში მყოფ ორგანოს თანამშრომლების როლს ბრალდებულ კერატიშვილის მფარველობაში. ჩანს, რომ სასამართლოს ჰქონდა ბრძანება კერატიშვილის სამაგალითოდ დასჯისა, მაგრამ მას ცნობისმოყვარეობა არ უნდა გამოეჩინა, არ უნდა დაეწყო ძიება არც კერატიშვილის თანამზრახველების, არც ბოროტების სათავეებისა.

საბჭოთა პრესა და სხვა პროპაგანდის საშუალებები ცდილობენ კერატიშვილის სასამართლო პროცესი გამოიყენონ საერთოდ რელიგიის და კერძოდ საქ. ქრისტიანულ ეკლესიის წინააღმდეგ. ისინი ხალხს ეუბნებიან: აი ხომ ხედავთ როგორნი არიან ეკლესიის მოძღვრები, რომლებსაც თქვენ უჯერებთ, ხელზე კოცნით და აღსარებას ეუბნებით.

იმედია ეს ხალხი ავიკლად მიხვდება, რომ აქ ეკლესია და რელიგია არაფერ შუაშია და, რომ ბიძინა კერატიშვილთან ერთად ბოროტმოქმედთა სკამზე უნდა მჯდარიყო საბჭოთა პოლიციური რეჟიმი.

გ. წერეთელი



ს ა მ შ ო ბ ლ ო ს ქ რ ო ნ ი კ ე ბ ი

1. ეკლესიების მსოფლიო საბჭოში

ამ წლის დამდეგს, იამაიკის დედაქალაქ კინგსტონში ჩატარდა მსოფლიო ეკლესიების საბჭოს კრება, რომლის დროსაც საბჭოს თავმჯდომარედ აირჩიეს საქათველოს მართლმადიდებელ ქრისტიანულ ეკლესიის პატრიარქი ილია მეორე.

მსოფლიო ეკლესიების საბჭოში გაერთიანებულია ორასზე მეტი სხვადასხვა ქვეყნის ეკლესიები. საქართველოს ეკლესია მისი წევრია 1962 წლიდან.

2. კათალიკოს ილია მეორის მოგზაურობანი

კონსტანტინოპოლის მსოფლიო პატრიარქის, დიმიტრიოს პირველის მიპატივებით თურქეთს ეწვია საქართველოს საეკლესიო დელეგაცია კათალიკოს ილია მეორის მეთაურობით. ორივე პატრიარქმა ერთობლივი წირვა შეასრულეს კონსტანტინეპოლის საპატრიარქო ტაძარში. საქ. ეკლესიის დელეგაცია დაათვალიერა უძველესი ტაძრები და მონასტრები, ეწვიენ სტამბულის ქართულ კათოლიკურ მონასტერს, რომელსაც უვლის პავლე აკოფიშვილი. კათალიკოსი ილია მეორე შეხვდა და ესაუბრა სტამბულში მცხოვრებ ქრისტიან და მუსულმან ქართველებს.

კონსტანტინეპოლის მსოფლიო პატრიარქის შემდეგ, კათალიკოსი ილია მეორე და მისი ეკლესიის დელეგაცია ეწვია ზღვაგარეთის პატრიარქს, მის უწმიდესობას მაქსიმეს. სხვა სანახაობათა შორის, საქ. ეკლესიის დელეგაციამ დაათვალიერა პეტრიწონის ლავრა, რომელიც დასავლეთის დომესტიკამ ქართველმა გრიგოლ ბაქურიანმა დააარსა მეთერთმეტე საუკუნეში. ზღვაგარეთის და საქართველოს პატრიარქებმა ერთად წირეს სოფიის საპატრიარქოს ტაძარში.

3. ცხუმის და აფხაზეთის ეპისკოპოსი ამერიკაში

ილია შიოლაშვილის, რომელიც წინად ცხუმის და აფხაზეთის საეპისკოპოსოს დანაგებდა, სრულიად საქ. კათალიკოსპატრიარქად არჩევის შემდეგ, ცხუმის და აფხაზეთის ეპისკოპოსად კურთხეულ იქნა ნიკოლოზ მახარაძე, რომელიც მეორე პირად ჩანს საქ. საპატრიარქო იერარქიაში. ეპისკოპოსმა ნიკოლოზმა გასულ წელს იმოგზაურა იტალიაში, წელს კი ის ბრბანდებოდა ამერიკის შ. შტატებში სადაც ის, სხვათაშორის, შეხვდა ნიუ იორკში მცხოვრებ ქართველებს და ხანგრძლივად ისაუბრა მათთან.

4. ცთომილი „მცხეთა“

1976 წლის 24 ოქტომბერს, სამხრეთ ვეროპის ობსერვატორიაში, ასტრონომმა რიშარ ვესტმა (Richard West) აღმოაჩინა აქამდე უცნობი მცირე პლანეტა, რომელიც 2116 ნომერით აღინიშნა. ბატონმა რიშარ ვესტმა მცირე პლანეტათა საერთაშორისო კავშირის ბიუროს შესთავაზა მის მიერ აღმოჩენილ პლანეტისათვის ეწოდებოდა „მცხეთა“, სახელი საქართველოს ძველი დედაქალაქის, ნიშნად ჩემი თაყვანებისა ამ ლამაზი ქვეყნის და მისი მხნე ხალხისადმი. საერთაშორისო ბიურომ დააკმაყოფილა აღმოჩენილ ასტრონომის სურვილი და დღეიდან მზის ირგვლივ ტრიალებს ცთომილი მცხეთა. ცნობისმოყვარეთათვის: ბატონი რიშარ ვესტი საქართველოს სიძია. მისი ვეუღლეა ქალბატონი თამარ ჩოფიკაშვილი.

5. ამიერკავკასიის ხელოვნების სიმპოზიუმი იტალიაში

ა.წ. ივლისის დამდეგს, იტალიის ქალაქებ მილანში, ბერგამოში და ვენეციაში გაიმართა ამიერკავკასიის ხალხთა კულტურისადმი მიძღვნილი საერთაშორისო სიმპოზიუმი. ცნობილია: 1974 წ. ქ. ბერგამოში მოეწყო ქართული ხელოვნებისადმი მიძღვნილი პირველი სიმპოზიუმი, შემდეგ წელში კი სომხეთის ხელოვნებისადმი. ამჯერად სიმპოზიუმის შინაარსი უფრო ვრცელი იყო, ის მოიცავდა ხელოვნების გარდა, ისტორიის, ლიტერატურის, არქეოლოგიის და ისტორიული გეოგრაფიის საკითხებს და ითვალისწინებდა მთლიანად კავკასიის ტერიტორიას. კავკასიიდან 15-მა მეცნიერმა მიიღო მონაწილეობა. მათ შორის: ერთი ჩრდილო ოსიიდან, ექვსი სომხეთიდან და რვა საქართველოდან. ქართველიდან მონაწილეობა მიიღეს ითანმეცნიერებმა თ. გამყრელიძემ და შ. აფრილონიძემ, არქეოლოგ-

მა თთარ ლოროტიფანძიძე, ისტორიკოსებმა და ფილოლოგებმა: თინა ყაუხჩიშვილი, ზ. ალექსიძე, დ. მუსხელიშვილი, ხელოვნების ისტორიკოსებმა ვახტანგ ბერიძემ და ნინო ჯანაშია-ლაძემ. სიმპოზიუმი მოაწყვეს ბერგამოსა და მილანის უნივერსიტეტებმა, მილანის უნივერსიტეტმა და ვენეციის უნივერსიტეტის ირანისტიკის, ურალი-ალტაისტიკისა და კავკასიის მცოდნეობის ფაკულტეტმა. როგორც პირველი სიმპოზიუმის ისე დღევანდელის მთავარი ორგანიზატორები და სულსჩამდგმელები არიან იტალიელი მეცნიერები, პროფესორები: ა. ალბაგო ნოველის და ნინო ყაუხჩიშვილი. ამ უკანასკნელებთან ერთად, იტალიიდან სიმპოზიუმის მოწყობაში და მუშაობაში აქტიური მონაწილეობა მიიღეს პროფესორმა ჯანკარლო ბოლინიეზმა(მილანი), არქიტექტორ ენძო პიბეშმა და პროფ. ლუიჯი მაგაროტომ, რომლის ქართულად წაკითხულმა მოხსენებამ „ციციფერყანწლების“ მანიფესტზე დიდი ინტერესი დაიმსახურა. სიმპოზიუმის ორგანიზაციაში და წარმატებით ჩატარებაში აგრეთვე დიდი დამსახურება მიუძღვის რომის ფრანგულ ინსტიტუტს, ფრანგ არქეოლოგ ჟორჟ ვალეს და ბიბლიოთეკის გამგებ ნოელ დე ლა ბლანშარდიერს,

იტალიელებისა და კავკასიელების გარდა სიმპოზიუმში მონაწილეობდნენ ფრანგი, ბელგიელი, გერმანელი, უნგრელი, ინგლისელი და ამერიკელი სწავლულები. ამათგან განსაკუთრებით სახსენებელია უნგრელი ქართველოლოგი **ლაიოშ ტარდი**, რომელმაც მოხსენება გააკეთა „ევროპული წყაროები საქართველოს მე-15-ე და მე-16-ე საუკუნეთა ისტორიის შესახებ“ თემაზე, ფრანგი ბ. მარტენი, რომელმაც მოხსენება მიუძღვნა თემას „საქართველო და არაბები მეგრე საუკუნეში: წმინდა დავით და კონსტანტინეს მარტილობის შესახებ“, პარიზელი **ტანია ველმანსი**, რომლის მოხსენება ეხებოდა სვანეთის სოფ. ხეს ეკლესიის ფრესკებს, და ინგლისელი **რეიფილდი**, რომელმაც განიხილა ვაჟა ფშაველას პოეზიის ურთიერთობა ქართულ ფოლკლორთან.

სიმპოზიუმის მიმდინარეობის დროსვე მილანში მოეწყო თანამედროვე სომხური არქიტექტურის და სომხური წიგნის გამოფენა, ხოლო ძველი ქართული ხუროთმოძღვრების გამოფენა გაიმართა რომში, იმპერატორ ტრაიანეს საბაზრო შენობაში. ბერგამოს პირველი სიმპოზიუმის შემდეგ, ამ გამოფენამ მოიარა იტალიის და ბელგიის ქალაქები და ყველგან დიდ ინტერესს იწვევს. საერთოდ უნდა ითქვას, რომ იტალიის, როგორც **1974 წლის** ისე წლებიდანვე, სიმპოზიუმებს დიდი მნიშვნელობა აქვთ ქართული ცივილიზაციის კაცობრიობისთვის გასაცნობად. საბოლოოდ მტკიცდება შეხედულება, რომ ახლოაღმოსავლეთის და ევროპის ისტორიისა და კულტურის საკითხების ამოხსნა-გაგებისათვის აუცილებლად საჭიროა ქართული კულტურული მემკვიდრეობის საფუძვლიანი ცოდნა. ჩვენი ერის წარსულის ასეთმა საყოველთაო აღიარებამ არ შეიძლება სიამაყის გრძობებით არ აღგავსოს ყველა ქართველი და მადლიერების გამომხატველი სიტყვები არ მიუძღვნათ ყველა იმ უცხოელ მეგობრებს, რომლებიც ამას ხელს უწყობენ. ქალბატონი ნინო ყაუხჩიშვილის დაუფასებელი დეაწლი კი განსაკუთრებით არის აღსანიშნავი.

6. ქართველოლოგიის სკოლა ვენეციაში


ვენეციის ფოსკარის უნივერსიტეტში შეიქმნა ქართული ენისა და ლიტერატურის კათედრა დოქტორ **ლუიჯი მაგაროტოს** თაოსნობით, რომელიც არის ამ უნივერსიტეტის რუსული ენის მასწავლებელი. ბატონი **ლ. მაგაროტო** მშვენიერად ლაპარაკობს ქართულს და მცოდნეა თანამედროვე ქართული პროზისა და პოეზიის.

ზეინაბ ზურაბიშვილი

და და დი, ტ რ ა ნ ს ლ ი ტ ე რ ა ც ი ა და მ რ ა ვ ლ ო ბ ი თ ი რ ი ც ხ ვ ი
(გაგრძელება წინა ნომრიდან)

ტრანსლიტერაცია

ისევ ვიწყებ კონსტანტინე გამსახურდიასაგან(თ.ტ.№14-15,გვ.26), რომელმაც დაახლოებით თავისი მოთხრობა როგორც „ნოველა“; ეს „ლასის“ გაორკეცება გამეორებულია ტექსტშიც: „ილლუზიონისტი“-ო. ქართული თავისი განსაკუთრებული ანბანით არ ეკუთვნის რომელიმე სხვა ენათა ჯგუფს და ამიტომ ყოველ შემთხვევაში მასში შესაძლებელია მხოლოდ ფონეტიკური ტრანსლიტერაცია. ეს ადვილი საქმე არ არის, რადგანაც უნდა ვიცოდეთ,



დაახლოებით მაინც, როგორ გამოითქმის რომელიმე სიტყვა, ტერმინი ანუ სახელი თავის საკუთარ ენაში. როგორ განვხორციელოთ ამდენი ენამრავლობა? თუნდაც კოლექტიური თანამშრომლობით! უნდა ვეცადოთ გავაუბრალოდ ეს ძნელი საქმე ხან ზოგადი პრინციპით, ხან უფრო ვარკვეული წესით და ზოგჯერ უფრო მკაცრი დეკანონებით. ამ დეკანონებას ეუთვნის არა გავარკვევა თანხმონის. — ამას აქვს სხვადასხვა მიზეზი, მაგრამ მთავარია თვით ქართული ენის განსაკუთრებული თვისება ასოების გავარკვევების დარგში. მაშასადამე, დაიწერება: ნოველა, მადონა, მარ და არა მარა, ბრისე და არა ბროსსე ან ბროსეტ და სხვა.

ზოგ შემთხვევაში ტრანსლიტერაციას აქვს თავისი ისტორია ანუ ხანდისხან თითქოს უმიზეზოდ ის იქცა ჩვეულებად: მაგალითად იწერება ფოსტა და არა პოსტა, შტატები და არა სასტატები და სხვა. ვასწორება იმისი, რაც დღეისთვის ქცეულია ჩვეულებად, შეცდომა იქნებოდა. ძეგნა ორიგინალობის და ყოველგვარი პრანჭვა ენის ხმარებაში, თუნდაც პოეზიის საბაბით, ნიშნავს ლაღატს ენის დაცვაში.

ტრანსლიტერაციაში გამოჩაქის წარმოდგენს ინგლისური „დაბლ იუ“ (ორკეიი უ). ქართულად იწერება: ვილსონ, ვაშინგტონ, ვიკ ენდ და სხვა. ამით ჩვენ ვშორდებით ფონეტიკურ წაბძვას. ასეთი მიდგომა დაკანონდა და ზოგი მოსაზრებით სწორიც არის. ასო ვინ უნდა დარჩეს ხმარებაში და უნდა ვწეროთ ოსკარ ვაილდ და არა უაილდ, როგორც ამას იოსებ გრიშაშვილი წერს.


ზოგჯერ ამოცანა უფრო რთულია. დაკანონდა გოეთე, რაც უდტის გერმანულ გამოთქმას, ზოგი მაინც წერს გოეტეს: ვიქტორ უგო უკეთესია ვიდრე ჰუგო. ასევე, კ. გამსახურდიას მოთხრობაში ალიგვიერი შემცდარია, იტალიურში ჰ არის სრულებით ყურ ასო და მისი დანიშნულებაა განს შეუშლას იქცეს ჯანად, ეი. არ იკითხებოდეს ალიგვიერი-ად. ეს იტალიურის თვისებაა და ქართულს არ ეხება. დანტეს გვიგარი არის ალიგვიერი. ტრანსლიტერაციაზე ბევრი სხვა ითქმის, ამ მოკლე შენიშვნას აზრად არ აქვს ამოწუროს მთელი საკითხი. ის დაიწერა იმედით: იქნებ ზოგი რამ აღნიშნული მაინც გამოდგეს ენის დაცვისათვის წარმოებულ ბძრძოლაში.

მრავლობითი რიცხვი

კ. გამსახურდიას ნოველაში (თ.ტ. № 14-15) ბევრი რამ საყურადღებოა სხვადასხვა თვალსაზრისით. საერთო შთაბეჭდილებით ეს მოთხრობა ძირითადად უთუოდ არის მისი ნაწერი. ნაწარმოებს ეტყობა ოსტატის ხელი, მაგრამ ის არ არის გაშალაშინებული. მას ზოგ ადგილას არა სასიამოვნო ლაქა აზის და თითქოს სხვა ხელი ჩანს. ზოგი სიტყვის ფორმაცია გასაკვირველია, მაგალითად პანთურქისტული, პანთურქული მაგივრად. იმ სახით, რომლითაც მოთხრობამ ჩვენამდე მოაღწია, მისი ნორმალური კრიტიკა შეუძლებელია. მოთხრობაში არის აგრეთვე ზოგი რამ, რაც შესაძლებელია გადამწერის ან დამბეჭდის შეცდომა იყოს. მაგალითად, გვეუქვება კ. გამსახურდიას ეთქვა: თმებგაშლილი დედაჩემი-ო. ქალს აქვს თმა და ის შეიძლება იყოს თმაგაშლილი. რუსულში კი ადამიანის თმა იხმარება მხოლოდ მრავლობითში. ამ თმებგაშლილობამ დამაფიქრა საერთოდ მრავლობით რიცხვზე და მისგან გამოწვეული პირადი განცდამინდა გავუზიარო მკითხველს.

ითქმის: ორი კაცი, სამი ქალი, ხუთი ძროხა, შვიდი ფანჯარი. ფანჯარი თუ ქალი ყველანი არიან მხოლოდით რიცხვში; ეს სილატაკით არ მოგვდის: გვაქვს ორი სხვადასხვა მრავლობითი რიცხვი! — ეს არის ერთი თვისებათაგანი ქართული ენის. ვიტყვით აგრეთვე: სხვადასხვა ფანჯრები, ან ფანჯრები არის; ფანჯრები მრავლობით რიცხვშია, მაგრამ ზმნა მხოლოდითში. შეგვიძლია ვთქვათ: ქართულ ენას არ უყვარს მრავლობითი რიცხვი. რუსულ ენას პირქით უყვარს მრავლობითი რიცხვი; არის კიდევაც სიტყვა, რომელიც ითქმის მხოლოდ მრავლობით რიცხვში რუსულად, ქართულად კი ითქმება: თმა, კარი, ხალხი, ფული და სხვა. ხშირად რუსულად ნახმარი მრავლობითი რიცხვი, ქართულში უკედ გადმოითარგმნება მხოლოდითით. ყველა ენას აქვს თავისი დამახასიათებელი თვისება და ამ თვისებების არევა დამახინჯებს ენას.

დიდ ოსტატს და მგოსანს ზოგჯერ ეპატიება ის, რაც არ ეპატიება უბრალო მომთაყმანს. აკაკი თავის ცნობილ მაჯამაში „აღმართ აღმართ მიდლიდი მე ნელა“ ამბობს:



„ჰინკარში ნუ ვარდები, ნუ გგონია იქ ია და ვარდები“ ყურისთვის მოსწორებული მაჯამაა, და ეს იყო სწორედ მგონის მიზანი.—„ია და ვარდები“ უბრალოდ მომავალადისთვის კი კარგ ქართულად არ გამოდგება, ქართულს ხომ არ უყვარს მრავლობითი რიცხვი და „ია და ვარდი“ მრავალ ყვავილს აღნიშნავს. მაგონდება სხვა განთქმული ლექსი, სადაც ხმატკბილი შეთანხმებისათვის ნახმარია მრავლობითი რიცხვი. ამაზე, გვრძნობ, მეტს ვერ ვიტყვი თუ არ ვთქვი ერთი ამბავი ჩემი ცხოვრების.

ეს იყო, თუ არ ვცდები, შემოდგომას 1943 წლისა. ვიყავი საქმეზე ლუბა აბდუშელიშვილთან სენ-კლუში, პარიზის მიდამო. ლუბა ჩაჩიბაია ჩემი ბავშვობის მეგობარია. მითხრა ლუბამ: სადილად მყავს გრიგოლ რობაქიძე და კაკიო; თუ გინდა დარჩიო. აბა, როგორ ვაველშეებდი ამისთანა შემთხვევას... შეიდი ვისხედით სუფრაზე. თავში იჯდა მას პინძელი შალვა აბდუშელიშვილი, მის მარჯვნივ გრიგოლ რობაქიძე, ჩამოსული ჰარიზში გერმანიიდან. მან სწორედ წაგივითხა რამდენიმე მოხსენება, ქართულ საზოგადოებაში, მიძღვნილი „კარდუს“-ადმი. კარდუ არის, და არა მარტო მიწვევითათვის, სახელი ქართული ერის სულის; თავში გრიგოლმა აგვიხსნა რატომ ის არის კარდუ და არა ქართუ. გრიგოლის აღფრთოვანებამ დიდი შთაბეჭდილება მოახდინა მსმენელებზე და ხალხმა შეინარჩუნა კარდუს სახელი. რამოდენიმე წლის შემდეგ, გიორგი ყვიფანმა ლექსი უძღვნა გრიგოლ რობაქიძეს და უწოდა მას „კარდუს მარჯვენა.“ შარშან კი ვიქტორ ნოზაძის მიცვალების გამო, გიორგი ყვიფანმა სამართლიანი ღრმა შეგნებით „კარდუს დიდი მსახურის“ სახელი მისცა ვიქტორს.

გრიგოლ რობაქიძე იყო საყვარელი კაცი, როცა ის ლაპარაკობდა თავისებურად ბუნდოვან მითოლოგიაზე, რომელმე წითელთმიან ცხენოსან ქალზე, რომელიც თარეშობდა კოლხეთის ნაპირას, ირუბაქის სიკვდილზე, ანუ სხვა მისმიერ ამბავზე. თუ ბაასი გადავიდოდა გოეთზე და პოეზიაზე, რაც მუდამ ხდებოდა, მაშინ გრიგოლი გადიტყვოდა რომელიღაც პრეისტორიულ ტაძრის ულამობელ მსაჯულად; მას ჰქონდა შესაფერისად ხელოვნური თმა მოკრეკილი და თითქოს მიწებებული თავის ქალაზე; ის მაშინ იყო მკაცრი და უსამართლო თავის თანამემამულე მგონის მიმართ; პოეზია იყო მისთვის ღვთაება, მისი საკუთარი ღვთაება; ის ალბათ იჯდა ბერძნული ქანდაკების „სიმართლის“ მსგავსად და თვალდახუტული უსმენდა რობაქიძის ლექსებს; ამას დანადვილებით არავინ იტყვის, რადგანაც ამ ღვთაების სახე, მოკაზმულობა და სახელი მხოლოდ გრიგოლმა იცოდა.

გრიგოლ რობაქიძესთან გვერდით იჯდა გიგო დიასამიძე, მისი თანამგზავრი ბერლინიდან. საუკუნის დასაწყისში მისი დიდი აგებულობა იყო თბილისის აუცილებელი დამატება. გაზეთის გამომცემელი, ვექილი, ის ნორმალურად დაწერილ ისტორიაში შევიდოდა როგორც აკაკის თაყვანისმცემელი, მეგობარი და თანამგზავრი. თავის ახალგაზრდობისას მან მოასწორო „ბანკობას“ და აგროვებდა ხმებს კენჭის ყრაში ილიას წინააღმდეგ. ჩემ სიყმაწვილეში, როცა შევცვალე მარჯვნივ, პირველ გიმნაზიისაკენ, სიარული და დავდიოდი მარცხნივ უნივერსიტეტისაკენ, რუსთაველის გამზირის ამავე მხარეზე, მაშინ ხშირად, თუ ყოველ დღეს არა, შორიდან ვხედავდი გიგო დიასამიძეს. მას სახლი ჰქონდა ოლღას(დღეს ლენინის) ქუჩაზე, ჩემი გზის მხარეზე. ის გადალახავდა ქუჩას და იქ „პორტფელის“ ერთ ხელში და მეორის ქნევით, აჩერებდა მოსიარულე ნაცნობებს და რაღაცას უქადავებდა. 91 წლის ასაკში, გიგო დიასამიძე გარდაიცვალა ნიუ იორკში 1960 წელს. მისი შვილიშვილი, შეფიცულ ელიზბარ ვაჩნაძის შვილი, გათხოვდა შეერთებულ შტატებში და მგონია იღებს მონაწილეობას სათვისტომოს გამგეობაში.

დიასამიძესთან იჯდა ალექსანდრე ქორჭია; კაცი რბილი და გულკეთილი.

ის მაშინ იდგა საფრანგეთში ქართული „ოფისის“ სათავეში. ალ. ქორჭია ეკუთვნის, ასე ვთქვათ, ქართველთა იღუმალ და უჩინარ საქმიანობას. რუსეთის იმპერიის სამსახურში მან ცხენით გააირა ლათინურ ამერიკის მთელი სამხრეთი; მერე ის გახდა იმპერიის „პროკურორაღ“; არგენტინამ მაშინვე ცნო საქართველოს დამოუკიდებლობა 1918 წელს; ეს ამბავი უჩინარი ძაფით დაკავშირებულია საშა ქორჭიას მოგზაურობასთან. პეტერბურგში და შემდეგ პეტროგრადში ის მუდამ ჩუმად ხელს უწყობდა ქართულ საქმიანობას; საქ. ეკლესიის ავტოკეფალიისთვის ზრუნვაში მან მიიღო კარგი მონაწილეობა. ვიქტორ

ნოზაძემ გამოაქვეყნა „კავკასიონში“ გიორგი დეკანოზიშვილის დღიურის ნაწილი; ვიღრვამ თურმე გაატანა რუსეთში ახალგაზრდა საშა ქორქიას მთელი „ჩემოდანი“ საცხე გაწვდა; იქნებ „საქართველოთი“ და არ იცოდა რა დამართა ამ მისთვის ძვირფას განძს; საშა ქორქიას არც ახალგაზრდობაში შეიძლება დაბრალდეს დაუდევრობა; მან ალბათ იცოდა „ჩემოდანი-სთვის“ თავისი მოხერხებული „გზები“ და ის, რაც გიორგის დაუდევრობა ჰგონია არის სიფრთხილე. საშა არაკის დაუტოვებდა საბუთს თავისი ლეგალური თუ არალეგალური საქმიანობისას. საშა ქორქია გაეყარა ცოლს უკვე ემიგრაციაში; მისი ვაჟი მახსოვს აკვანში; რეჟოლუციის შემდეგ ქორქიას ოჯახი ცხოვრობდა თბილისში, გედევანიშვილის სახლში, გრიბოლეტის ქუჩაზე ჩვენი სახლის პირისპირ; ემიგრაციაში ვაჟი ცხოვრობდა დედასთან ერთმანაში; მობილიზაციისას ის იყო პარაშუტისტების ნაწილში და მოიკლა კუნძულ კრეტას აღების დროს.

მასპინძლის მარცხნით იჯდა ირაკლი(კაკი) წერეთელი; ის ამ სახლში მახლობლად გრძნობდა თავს; შალვა აბდუშელიშვილის ჰქონდა მისი ღრმა პატივისცემა და სიყვარული.

სუფრაზე მოხდა შეკამათება გრიგოლ რობაქიძესა და ირაკლი წერეთლის შორის, ბაასში მოიხსენდა პოეზია და გრიგოლმა გადაჰკრა ილიას პოეტიკას. გიგო დიასამიძეს ეამა. კაკი აღშფოთდა და ცრემლით თვალში თქვა:

ტყემ მოისხა ფოთოლი	აყვავებულა მდელი,
აგერ მერცხალიც ქყვივის,	აყვავებულან მთები;
ბაღში ვაზი ოზოლი	მამულო საყვარელი,
მეტის ლენითა სტირის.	შენ როსლა აყვავადები?

და დამუბატა: ამისთანა ღრმა

ღირიზმის ლექსი მსოფლიოში არც ერთ ლიტერატურის არ აქვსო.

რასაკვირველია, ყველასთვის ეს ლექსი არის გულში გასამეორებელი ლოცვა. ლოცვა მხოლოდითი თავისი მრავლობითი ძალის, როგორც ქართული არსებითი სახელი.

ლექსში ხომ არ არის ნათქვამი ტყეს ჰქონდეს ერთი ფოთოლი, ანუ ცაში იყოს ერთი ფრინველი... მგოსანმა მაინც უკანასკნელ ბგერათა ძლიერი შეთანხმებისათვის იხმარა მრავლობითი რიცხვი, არ ვიტყვი აკაკისამებრ, რადგანაც მათზე ადრე ნიკოლოზ ბარათაშვილმა თქვა: **მორბის არავგი, არავგინანი, თან მოსძახიან მთანი ტყიანნი...**

უბრალო მომაკვდავისათვის მაინც უნდა დარჩეს ძალაში „მთისა და ბრისა“, „მთა და ბარი“.

გიორგი ჯაყელი
ნიუ იორკი. 1977.

კორნელი კეკელიძის 100 წლისთავისთვის

18 აპრილს შესრულდა ასი წელი ქართული უნივერსიტეტის ერთერთი დამაარსებელთაგანის და მისი მშვენიერების — კორნელი კეკელიძის დაბადებიდან. ივანე ჯავახიშვილი და კ. კეკელიძე ხშირად ეკამათებოდნენ ერთმანეთს საქ. ისტორიის საკითხებზე, მაგრამ ერთმანეთს დიდად აფასებდნენ და დიდ ანგარიშს უწევდნენ.

კ. კეკელიძე უკვე სახელგანთქმული მეცნიერი იყო, როცა სამშობლოში დაბრუნდა სამოღვაწეოდ და სათავეში ჩაუდგა ქართული დამწერლობის კვლევას. მან 1904 წ. დაამთავრა კიევის სასულიერო აკადემია. მაშინვე მისი სადიპლომო შრომა „ქართ. ლიტერატურული ძეგლები და მათი მეცნიერული მნიშვნელობა“ დიდად იქნა მოწონებული და ამავე თემაზე, რომელიც გადრმაგებული და გაფართოებული იქნა, 1908 წელს მიენიჭა მაგისტრის ხარისხი, რომელიც უდრის ეხლანდელ დოქტორისას.

უცხო ენების საფუძვლიანი ცოდნა, კ. კეკელიძეს საშუალებას აძლევდა, ქართული მწერლობის შესწავლისას,



გამოერკვია იმ ხალხების ლიტერატურის საკითხები, რომლებთანაც ჩვენს წინაპრებს ისტორიული ურთიერთობა ჰქონდათ. ამის გამო კ. კეკელიძის დამსახურება დაუფასებლად ქართულ-ბიზანტიურ, ქართულ-სირიულ, ქართულ-სომხურ, ქართულ-სპარსულ და ქართულ-რუსულ ლიტერატურულ ურთიერთობათა შესწავლის საქმეში. აკადემიკოს კ. კეკელიძემ საქ. წიგნთსაცავებში აღმოაჩინა ბიზანტიური მწერლობის ასობით ქართულად თარგმნილი ძეგლები, რომელთა დედანი დაკარგულია და მათი აღდგენა შესაძლებელი ხდება მხოლოდ და მხოლოდ ქართული ტექსტების საშუალებით. ამ აღმოჩენას ევროპის მეცნიერებმა პირველი რიგის სენსაცია უწოდეს.

კ. კეკელიძე ბეჯითად იკვლევდა საქ. ისტორიის, ენათმეცნიერების, ფოლკლორის, ქართული ლიტერატურის საკითხებს, მაგრამ მისი რკვევის მთავარი სამყარო იყო საშუალო საუკუნეების ქრისტიანული სასულიერო მწერლობა.

კ. კეკელიძემ ცხადყო თუ რა მდიდარი კულტურა შექმნა საქართველომ ჯერ კიდევ აღრეულ საუკუნეებში. ამ მწერლობის მნიშვნელობასთან ერთად აჩვენა, რომ ჩვენი საისტორიო ძეგლები პირველხარისხოვანი წყაროებია სხვა ერების ისტორიის და კულტურის შესასწავლად.

კ. კეკელიძე გარდაიცვალა 1962 წლის 8 ივნისს და დასაფლავებულია უნივერსიტეტის ეზოში ივ. ჯავახიშვილის და პ. მელიქიშვილის გვერდით. მან სამშობლოს დაუტოვა უმდიდრესი მემკვიდრეობა, აქედან განსაკუთრებით ძვირფასია ფუნდამენტური ორტომეული ქართული ლიტერატურის ისტორიისა და ეტიუდების 14 ტომი. მის მიერ დაფუძნებულ უნივერსიტეტის და შოთა რუსთაველის სახელობის ქართული ლიტერატურის ისტორიის ინსტიტუტში მისი ხელმძღვანელობით გამოზრდილი სწავლულები მაღლად დიქტერენ დიდი მასწავლებლის მიერ ანთებულ ცოდნის ჩირაღდანს და კიდევ უფრო შორს გადააწვდენენ ქართული გონების შუქსა და ნათელს.

გრიგოლ წერეთელი

შ ა ლ ვ ა ნ უ ც უ ბ ი ძ ე
დაბადებიდან 90, გარდაცვალებიდან 10 წლისთავი

შალვა ნუსუბიძე ქართული უნივერსიტეტის მშენებელი იყო და თუ ჩვენი ეროვნული კულტურის ამ საამაყო კერამ დაარსების თანავე მსოფლიო აღიარება და სახელი მოიპოვა, ამაში მნიშვნელოვანი დამსახურება და წვლილი შალვა ნუსუბიძისავე მიუძღვის, ამიტომ საჭიროა ჩვენი მითხველები მის სახელსაც ვაზიაროთ.

შალვა ნუსუბიძემ სათავე დაუდგა ჩვენ უნივერსიტეტში ფილოსოფიური აზროვნების აღორძინებას და შემდეგ მის სრულყოფას, მან გამოზარდა ამ დარგში მოღვაწეთა თაობები, დიდი შრომითა და ცოდნით ჩამოაყალიბა ქართული საზოგადოებრივ-პოლიტიკური და ფილოსოფიური აზროვნების ისტორიის შესანიშნავი კურსი.

შ. ნუსუბიძე აგრეთვე მსახვანთქმული იყო როგორც ლიტერატურის დიდი მკოდნე, მკვლევარი და მთარგმნელი. მან ბუნებრივი მეცნიერის ერნესტ ჰონიგმანის დამოუკიდებლად, პირველმა დაამტკიცა, რომ მსოფლიოში სახელგანთქმული უცნობი ავტორის წიგნები, რომლებიც არეოპაგიტის სახელს ატარებენ, ეკუთვნის მეხუთე საუკუნეში, ბიზანტიურ სამყაროში მოღვაწე ქართველ უფლისწულს, პეტრე იბერიელს ანუ პეტრე ქართველს.

შ. ნუსუბიძემვე დაამტკიცა საშულო საუკუნეების მსოფლიოში უაღრესად პოპულარული ნაწარმოების, „სიბრძნე ბლავპარისას“ ქართული წარმომავლობა, საიდანაც უთარგმნიათ ბერძნებს და ბერძნულიდან კი მთელ მსოფლიოში გავრცელებულა.

ასევე დიდათ საყურადღებოა შ. ნუსუბიძის „აღმოსავლეთის რენესანსი“ თეორია, რომლის მიხედვით აღმოსავლეთის რენესანსი წინ უსწრებს დასავლეთისა და ამ რენესანსის მწვერვალია შოთა რუსთაველის „ვეფხისტყაოსანი“.

დაბოლოს, დაუფასებელია შ. ნუსუბიძის დამსახურება ვეფხისტყაოსნის და სხვა საშუალო საუკუნეების ქართ. ლიტერატურული ძეგლების რუსულად თარგმნის საქმეში, მის მიერ რუსულად თარგმნილი ვეფხისტყაოსანი ერთ საუკეთესოთაგანად არის აღიარებული სპეციალისტების მიერ.

შ. ნუცუბიძე არა მარტო დიდი ერთდღიის და ნიჭის მქონე იყო, არამედ ავტოკრატის იყო შესანიშნავი მკერმეტყველიც. მის ლექციებს არცერთი სტუდენტი არ დააკლდებოდა. შ. ნუცუბიძე ერთერთი თვალსაჩინო წევრიც იყო სოციალ-დემოკრატიული პარტიის, რომელიც მცა დიდ მოქნილობას იჩენდა, მაინც საოკუპაციო ხელისუფლებამ, მიუხედავად დიდი დაწინაღობისა, ვერ მიადწია მისგან ვერც პოლიტიკურ და ვერც ფილოსოფიურ მრწამსზე საჯაროდ ხელის აღებას. სტუდენტობის მისდამი თავყანებაში ამასაც ჰქონდა, უძველესად, მნიშვნელობა. ხელისუფლებამ მას წვრილფეხა და უნიჭო კრიტიკოსები მიუჩინა. ისინი შემთხვევას არ უშეგებდნენ ემზილებათ შ. ნუცუბიძის უარყოფითი დამოკიდებულება მატერიალისტური მსოფლმხედველობისადმი. მახსოვს ერთი ანეკდოტური ნამდვილი ამბავი: უნივერსიტეტში იმ დროს იყო ერთი დიალექტიკური მატერიალიზმის ლექტორი დოცენტი მოსე გოგებერიძე, პარტიის დავალებით თუ პირადი მტრობით, მან ერთხელ საჯაროდ თქვა: „არ იქნა და არა შ. ნუცუბიძე საბჭოთა პლატფორმაზე ვერ გადმოვიდაო“. შ. ნუცუბიძე არ შეუშინდა და საჯაროდვე მოსწრებულად უპასუხა: „ჩემო მოსე, სადგურში როცა მატარებელი ჩამოდგება ბაქანზე ჯერ ხელცარიელები ჩამოდიან სულ ბოლოს კი მძიმედ დატვირთული ბარგოსნებო.“

მახსოვს ერთი ბედნიერი ამბავიც. სპარსეთის დიდი პოეტის ფირდოუსის ათასი წლის იუბილე იყო. მუშტაიდის ბაღის ესტრადის წინ ზღვა ხალხი უინტერესოდ უსმენდა პირველ ორატორს, ფილიპე მახარაძეს; მისი სიტყვები ვერც ის აღწევდნენ ჩვენამდის, მოუთმენლად ველოდით თუ როდის დაამთავრებდა, მაგრამ ის გალახა ჭირაშვილით აქიანურებდა. როგორც იქნა დაამთავრა და ის შეცვალა შალვა ნუცუბიძემ. როგორც კი ქება პირველი სიტყვები, ტანში ყრუანტელმა გაგვიარა. თითქოს ჩვენს თავებზე ქარიშხალმა გადაგვიარა, სული შეგვიყრა, მოგვხიზლა და დაგვატყვევა... და, როცა დაამთავრა, დაგვენანა, რომ ასე შალე დასრულდა ოქროპირ ორატორის სიტყვების სიმფონია. მეხვიით იქუხა ტაშმა და მისმა მძლავრმა ექომ გადაუარა სიბნელეში გატრუნულ ქალაქს დიდუბიდან შავნაბადამდე...

ეთოვემჩინის წლებში უკვალოდ გაუჩინარდა ბატონი შალვა. იმ დროს, ასე უკვალოდ დაკარგულთა ამბის კითხვაც კი დიდათ სახიფათო იყო. არავინ იცოდა მკედარი იყო თუ ცოცხალი. გვიან, ომის დაწყების წინ შევიტყვევებ: შ. ნუცუბიძემ გადასახლებაში რუსულად შესანიშნავად თარგმნა „ვეფხისტყაოსანი“, სტალინმა დაუმადლა, მოსკოვში იმყოფება შინაპატიმრობაში, უფლება არ აქვს სამშობლოში დაბრუნებისა. აკადემიკოსი ალექსანდრე ბარამიძის წერილიდანაც ჩანს, რომ სწორედ იმ დროს, გადასახლებაში უთარგმნია „აბდულმესიანი“, „თამარიანი“ და ვეფხისტყაოსნის თარგმნა დაუმთავრებია 1940 წელს, თუმცა პატივცემული აკადემიკოსი არ ამბობს, რომ იმ დროს შ. ნუცუბიძე გადასახლებული იყო სამშობლოდან.

სტალინს იმ დროს სჭირდებოდა პირადი ინტერესებით საქართველოს მდიდარი კულტურული წარსულის საერთაშორისო გახშიანება, ამან განაპირობა შ. ნუცუბიძის ხსნა სტალინის „გულაგებიდან“ და ამერიკად გადარჩენილმა შ. ნუცუბიძემ დაუფასებელი ამავი დადვა მშობელი ერის კულტურას, მაგრამ რამდენი სხვა, შ. ნუცუბიძეზე ახალგაზრდა და ნაკლებად ცნობილი, დაიღუპა უსახელოდ იმ ბრმა და მასიურ რეპრესიების შედეგად? ვინ იცის, იქნებ ზოგიერთ მათგანს ბატონ შალვაზე არა ნაკლებად ესახებებია ჩვენი ქვეყანა და ჩვენი ხალხი.

გოგო ლუბაშვილი

ხ ე ლ ო ვ ნ ი ს ხ ს ო ვ ნ ა ს

ხანმოკლე ავადმყოფობის შემდეგ, სამშობლოში, 69 წლისა გარდაიცვალა ირაკლი (ჯანო) ბაგრატიონი. განსვენებული იყო შესანიშნავი შემსრულებელი ქართ. ხალხური ცეკვებისა, განსაკუთრებით კი „ლექურისა“, რომლისთვისაც ის თითქოს განგებ იყო დაბადებული თავისი ფიზიკური აღნაგობით და მუსიკალობით.

1938 წლიდან მან ხელი მიჰყო ახალგაზრდათა აღზრდას და ცეკვების დადგმას. ჯანო, როგორც ყველა მას უძახოდა, იყო დიდი გემოვნების და კულტურის მქონე დამდ-

Djobadze's Library

გმელი-ქორეოგრაფი. მან გამოავლინა და დაამუშავა არაერთი კუთხური ცეკვა და ეროვნულ საკუთრებად აქცია. ის იყო გულისხმიერი და კარგი აღმზრდელი. მან ბევრი ადამიანი აღმოაჩინა და გამოუზარდა სამშობლოს. ქართული ხალხური ცეკვების საფუძველზე მან იმ შექმნა ახალი საინტერესო ცეკვები.

საბჭოთა ხელისუფლება ჯანო ბაგრატიონს ავიწროებდა, არ აძლევდა მას მისი ნიჭის სრულყოფილად გამოჩენას, მხოლოდ იმისთვის, რომ ის ეკუთვნოდა ბაგრატიონების სახელგანთავსებს. ამ მოსაზრებით მას ნება არ მისცეს წაყოლოდა მის მიერ მომზადებულ ქართ. ხალხური ცეკვების ანსამბლს ლონდონის საერთაშორისო ფესტივალზე.

ჯანო ბაგრატიონი იყო მეტად საყვარელი ადამიანი, თავმდაბალი, ერთგული მეგობარი. უეჭველად, ღრმად დამწუხრებული იქნებიან მისი თანამშრომლები და მრავალრიცხოვანი აღზრდილები, მთელი ქართ. ხელოვნების მუშაკები და მოყვარულები.

საუკუნო იყოს კარგი ქართველის, ჯანო ბაგრატიონის ხსოვნა!

უნიკო შეგარიდ

მ ა ქ ს ი მ გ ო რ კ ი დ ა ლ ე ნ ი ნ ი

სავარძელში გვერდიგვერდ მსხდომი ლენინი და მაქსიმ გორკი მეგობრულად საუბრობენ ლიტერატურის საკითხებზე. ასეთია ფართო საბჭოთა საზოგადოების წარმოდგენა ამ ორ სახელგანთქმული პირის ურთიერთ განწყობილებაზე. ჩვენ აქ ვთავაზობთ მკითხველებს მედალის მხარეს.

1917 წელს მაქსიმ გორკი თანამშრომლობდა სოციალ-რევოლუციონერთა ორგანო „ნოვიაა თიზნ“-ში. ოქტომბრის გადატრიალების შემდეგ, **1917** წლის **20** ნოემბერს მაქსიმ გორკი იქ წერს: „...ლენინი, ტროცკი და მათი თანამზრახველნი უკვე შეპყრობილი არიან ხელისუფლების შხამით, ამის მოწმეა მათი სკანდალური დამოკიდებულება პირიქების თავისუფლების მიმართ და ყველა იმ უფლებების მიმართ, რომელთა განხორციელებისთვისაც იბრძოდა დემოკრატია. დაბრმავებული ფანტიკოსები, უსინდისო ავანტიურისტები მიეშურებიან დაუოკებლად ეგრედ წოდებულ „სოციალისტურ რევოლუციისაკენ“, მაგრამ სინამდვილეში ეს გზა არის დამღუპველი როგორც პროლეტარიატის ისე რევოლუციის.

შედგენ რა ამ გზაზედ ლენინი და ძმანი მისი, თავის თავიანთ თავს ნებას აძლევენ ყოველგვარი ბოროტმოქმედებისას: ამოხოცვა პეტერბურგის ახლოს, დანგრევა მოსკოვის, აზრის თავისუფალი გამოთქმის აკრძალვა, უაზრო დაბატიმრებები, ერთი სიტყვით, ყველა საშინელება რასაც სჩადიოდა პლევე და სტოლინინი...

ლენინი არ არის ჯადოსანი, უსაზომო შესაძლებლობისა, არამედ ერთი ოინბაზი ცივი თავით, რომელიც არ ზოგავს არც თავის ღირსებას არც პროლეტარიატს. მუშებმა ნება არ უნდა მისცენ ავანტიურისტებს და გიგებს მათ თავზე მოახვიონ პასუხისმგებლობა სამარცხვინო, უაზრო და სისხლიანი ბოროტმოქმედებისა, რომლისთვისაც მათ უნდა ზღონ ლენინის ადგილას.“


23 ნოემბერს, სათაურით „მუშების საყურადღებოდ“, გორკი წერს:

„...აიძულეს რა პროლეტარიატი დათანხმდეს პრესის თავისუფლების აკრძალვას, ლენინმა და მისმა ამფოსონებმა კანონიერად გახადეს დემოკრატის მტრების კანონები, დემოკრატის ალაგმვის შესახებ. შიმშილის და პოგრომის მუქარით ყველას მიმართ ვინც მათ არ ეთანხმებიან, ლენინი და ტროცკი კანონიერად ხდიან ხელისუფლების დესპოტიზმს, რომლის წინააღმდეგაც ასეთი გრძელი და მტკივნეული ბრძოლა აწარმოეს ჩვენი ქვეყნის საუკეთესო ძალებმა.“

„ეს აუცილებელი ტრადედია სრულიად არ აფიქრებს ლენინს, რომელიც ღოგების მონაა, არც მის ამყოლებს, რომლებიც ლენინის მონები არიან.“

უჩრნალი „ნოვიაა თიზნ“, რომელიც მაქსიმ გორკის თაოსნობით დაარსდა **1917** წელს, ლენინის ბრძანებით აიკრძალა **1918** წლის **16** ივლისს

რედაქცია



ამ კანიკულების დღეებში, როცა დიდი ქალაქების მოსახლეობა ზღვის ნაპირებზე დასვენებულა და თოვლიან-ყინულიან მიმდინარე მისადგომებისაკენ მიეშურება ზვის და სუფთა ჰაერის საძებრად, ზოგი ვართობის მიზნით, ზოგი ცნობისმოყვარეობის და რიგი კი უფრო უკუყულ ჯანმრთელობის აღსადგენად და დასასვენებლად, მე ჯერ კიდევ ჩემს სამუშაო ოთახში ვამზადებ და ვაწყობ ამ ნომერს. ამ დღეებში ჩემს გონებას არ შორდება ორი მეგობრის სახე, რომლებიც სწორედ ზაფხულის დღეებში გავგვრდნენ სამუდამოდ. ერთი ამ ორთაგანი, დავით ურატაძე შარშან ივლისში გარდაიცვალა, ხოლო ამ ავვისტოში ხუთი წელი სრულდება მიხეილ გრიგოლის გარდაცვალებიდან. ისინი, რომ მხოლოდ ჩემი მეგობრები ყოფილიყვნენ, თქმა არ უნდა, მკითხველებს მათზე ლაპარაკით არ შევაწყენდი, მაგრამ ამასთანავე ისინი იყვნენ ამ გამოცემის მოთავე-თანამშრომლებიც და რაც მთავარია — მღვიე მამული-შვილები, შეძლების მიხედვით ორივემ ღირსეულად მოიხადა მისმისი ვალი, რისთვისაც მათ ეკუთვნით ყველა ჩვენთაგანისაგან ერთად გახსენებაც და მადლობაც.


მიხეილ გრიგოლია

მე ის თამარ რუხაძესთან გავიცანი, ალბათ, 1946 წელში; ლამაზი კაცი იყო, მისი მშობლიური კუთხის, სამეგრელოს ტიპი; მაშინვე სუსტი ჯანმრთელობა ჰქონდა, უძნელდებოდა ქარხანაში მუშაობა, თანაც სიყვარულში ახლად ხელმოცარულს, ხშირად მელანქოლია ეუფლებოდა. შემდეგ ჩვენ უკედ გავიცანით ერთმანეთი და დავემეგობრდით მწერალთა და ჟურნალისტთა კავშირის გამგეობაში ერთად თანამშრომლობის დროს (1961-1968).

სწორედ იმ ხანებში ჩვენ ვზრუნავდით დავევარსებოდა კავშირის ბეჭდვითი ორგანო, არა მარტო ჩვენ ორი, არამედ მთელი გამგეობა: გიორგი ნოზაძე, პავლე სარჯველაძე, ნიკო ყურულიშვილი და განსვენებული ელისე პატარიძე, რომელიც იმ დროს თავმჯდომარე იყო. ჩვენ ვვინდოდა გამოცემის პასუხისმგებელი რედაქტორი ყოფილიყო, მაშინ საფრანგეთში ახლად დაბრუნებული, უკვე ცნობილი რუსთველოლოგი და გამოცდილი ჟურნალისტი, აწ განსვენებული ვიქტორ ნოზაძე. ის ქართველ მწერალთა და ჟურნალისტთა კავშირის, უცხოეთში, საბატოთ თავმჯდომარედაც ავირჩიეთ. მაგრამ ბატონმა ვიქტორმა არ ინება კავშირის სახელით გამოცემულ კრებულის რედაქტორობა, მან არჩია საკუთრად განეახლებია ომის წინ მის მიერ დაარსებული „კავკასიონი“ და ჩვენც მას ამ საქმეში ხელი აღარ შევეშალეთ.

ერთი ათეული წლის შემდეგ კვლავ დავინახეთ საჭიროება საერთო ძალებით ხშირი პერიოდულობის მქონე პოლიტიკური გაზეთის გამოცემისა. უკვე ხანდაზმული ვიქტორი რუსთველოლოგიის დარგში კვლევასა და გამოცემას უნდებოდა. მან წაგვაქეზა გამოცემის დაწყების საქმეში, დაგვიბრდა მკიდრო თანამშრომლობას და დახმარებას, მხოლოდ რედაქციაში ვერ შემივალა, თანაც ვეთხზრა რედაქციაში უეჭველად შეიყვანეთ ლევან ზურაბიშვილი. ლ. ზურაბიშვილი, მ. გრიგოლის და ჩემი თაოსნობით, 1973 წლის 11 და 25 თებერვალს, ლევილის ქარი, მამულის საღონში მოვიწვიეთ თათბირი, რომელსაც დაესწრნენ: ნოე ცინცაძე, ნიკო ურუშაძე, მირიან მელუა, გიორგი ნოზაძე, პავლე სარჯველაძე, გიორგი ყიფიანი, ნიკო ყურულიშვილი, მიხეილ ქავთარაძე, შალვა კალანდაძე, გრიგოლ ლომაძე და ჩვენ სამი მომწვევე, ვიქტორ ნოზაძე არ დასწრებია, რადგანაც ციურბში იმყოფებოდა იმჟამად, კრებებს თავმჯდომარეობდა ბატონი ნოე ცინცაძე და მდევნობდა ბატონი მირიან მელუა. ინფორმაცია გააკეთა თქვენმა მონამორჩილმა, ყველამ გამოთქვა თავისი აზრი. იყო აზრთა სხვადასხვაობა: საბოლოოდ კრებამ გააკეთა დასკვნა:

1. თათბირში მონაწილენი პიროვნულად ესწრებიან მას და არა როგორც პარტიების ან ორგანიზაციების წარმომადგენლები; 2. ყველას მიერ აღიარებულ იქნა საჭიროება ემიგრაციის საერთო ძალებით პერიოდული პოლიტიკური ბეჭდვითი ორგანოსი და, რომ ეს ხელს არ შეუშლიდა არსებულ პარტიულ გამოცემებს. 3. არაა სასურველი, რომ რედაქციაში შედიოდნენ პარტიების ხელმძღვანელები და მათი გამოცემების რედაქტორები. 4. თათბირი ერთხმად უცხადებს ნდობას გიორგი წერეთელს გამოცემის განხორციელებაში და აღუთქვამს აქტიურ თანამშრომლობას. ამ თანამშრომლობისთვის კრებამ მიიღო და თავისად განიხილა



ნოე ცინცაძის მიერ შემოტანილი შემდეგი პროგრამა:

- ა) ჩვენ ერთი ვართ და ურყევი ვადაწყვეტილებაში: რუსეთის წიაღიდან საქართველოს დახსნას, განთავისუფლებას ვემსახურით. მისთვის ვიბრძოლოდ მთელი ჩვენი არსებით.
- ბ) საქართველოს დემოკრატიული რესპუბლიკა ჩვენი დროა იყო, არის და იქნება. ის უნდა აღსდგეს, მასში ჩაქსოვილი ადამიანის და მიქალაქის ყველა წმინდათაწმინდა უფლებებით.
- გ) განთავისუფლებულ საქართველოში ყოველგვარი ტოტალიტარული რეჟიმი ჩვენთვის მიუღებელია.

თათბირის დასკვნას ხელს აწერენ თავმჯდომარე ნ. ცინცაძე და მდივანი მ. მელუა. ამის შემდეგ, კოლეგიალური რედაქტორობა ვიცისრთ იმავე სამმა ინიციატორმა და შევედქეთ გამოცემის ორგანიზაციას, რაც შემდეგ იცის მკითხველმა. მიშა გრიგოლიას ხსოვნას ეს ისტორია მითომ დავეუვაგვიჩე, რომ ის განსაკუთრებული დაყენებით მაგულთანებდა ამ საპასუხიხმებელ საქმის წამოწყებისთვის. უღმობელმა სიკვდილმა არ დააცალა ამაში ჩაექსოვა თავისი ნიჭი და უნარი, მაგრამ სურვილი კი დიდი ჰქონდა.

მიშა გრიგოლია იყო კარგი ქამა-სმის და ზომიერი ლხინის მოყვარული. მასში უღრესად იყო განვითარებული სილამაზის ტრფიალი. თვით ქალშიაც უპირველესად ფიზიკურ სილამაზესა და სულიერ სიმშვენიერეს ეძებდა. მისი სულიერი საზრდო იყო პოეზია, თანამედროვე პოეტებიდან ის განსაკუთრებით თაყვანს სცემდა ვალაქტონს, გიორგი(გოვლა) ლეონიძეს და რიციან ტაბიძეს. მეგობრობაში იყო რბილი, დამთმობი, მკირაღზე არ ავიშარდებოდა, მაგრამ პრინციპულ საკითხებში ის ურყევი იყო, ეს ნათლად გამოჩნდა მისსა და განსვენებულ ვასო ლაბაძის შორის, რომელსაც შეცდომა არ აბატია, „სამშობლოს ხმაში“ წერილის გამოქვეყნება, და კატეგორიულად მოთხოვა მწერ. კავშირის გამშობლის მდივნობიდან გადადგომა. ამავე პრინციპულობით აიხსნება ალბათ ისიც, რომ მან სამშობლო დათმო და გადმოხვეწილის მძიმე ჯვარი ატარა. მას განსაკუთრებული, ქალური სინაზით უყვარდა ოჯახი, ნათესავები, მშობლიური სამეგრელო, ხოლო საქართველოსთვის სიცოცხლეს სწყუროდა და თავსაც გასწირავდა.


დავით ურატაძე

დათიკო ჩემი თაობის და კატეგორიის ემიგრანტი იყო. მასაც ომის შედეგად მოუხდა სამშობლოს დატოვება. ემიგრაციაში ის თავიდანვე ჩადგა აქტიურ ეროვნულ პოლიტიკურ ემიგრანტთა რიგებში, რადგანაც მას შეგნებულად სწამდა მათი პარტიოტული იდეალი. მისი ბიძა იყო გამოჩენილი რევოლუციონერი, სოციალ-დემოკრატი და პოლიტიკური მოღვაწე გრიგოლ ურატაძე, ალბათ ამიტომ თავიდან ემიგრაციის მემარცხენე წრეს ეკუთვნოდა, მაგრამ სოციალისტური პარტიის წევრი არასოდეს არ გამხდარა, რადგანაც მისთვის მთავარი იყო სამშობლოს განთავისუფლება, რაც საერთოა ყველა ეროვნულ პარტიებისთვის. ამის გამო დათიკოს ყველა პარტიაში ჰყავდა მეგობარი.

დღიდან მიუნხენში რადიო „თავისუფლების“ დაარსებისა(1953 წლის იანვრიდან) დათიკო, რადრე არსენიძესთან ერთად, პარიზიდან იქ გადავიდა სამუშაოდ, სადაც ის სიკვდილის უქანასკნელ წუთებამდე მოღვაწიობდა. ის გულისყურით ავირდებოდა სამშობლოდან მოსულ ამბებს, ხშირად ინტუიციითაც გრძობდა მის ტიკიუმებს, ეხმარებოდა, როგორც პოლიტიკურ, ისე ხელოვნებისა და ლიტერატურის საკიბროროტო საკითხებს და მის რადიო გადაცემებს ყოველთვის ახასიათებდა საკითხის ცოდნა, ობიექტურობა, აზრის გამართულობა და საკმაოდ მაღალი ინტელექტი.

როგორც ემიგრაციის პოლიტიკურ ერთობის საკიროების და აუცილებლობის საკითხში, ისე სამშობლოში მიმდინარე მოვლენების გაგების, შეფასების და ჩვენი რეაქციის შესახებ, ჩვენს შორის მუდამ არსებობდა ერთმანეთის გაგება და სრული თანხმობა. მისმა უდროო სიკვდილმა ადრე დააქვრივა მისი ახალგაზრდა მეუღლე, გულნარა პატარიძის ასული, უზომოდ დამწუხრა ნათესავები და უამრავი მეგობრები, ისედაც უწყალოდ შეთხლებულ ემიგრაციის რიგებს, ქართულ საქმიანობას უცხოეთში გამოაკლო ერთი აქტიური და შეგნებული მებრძოლი.

გიორგი წერეთელი



† მწუხარებით ვაუწყებთ საზოგადოებას:

ავვისტოს დასაწყისში, ხანდაზმულობის ასაკში გარდაიცვალა ქალბატონი ლილია ღონღერაძე. განსვენებული იყო სათნო, თავდაბალი, სტუმართმოყვარე, კეთილი და სამაგალითო ოჯახის დედა, განსახიერება ქართველი ქალისა. ლეგენდური მისი ამბავი, თუ სულ ახალგაზრდა ქალმა, ოთხი ერთმანეთზე პატარა ვაჟით, როგორ გადმოლახა საბჭოთა საზღვარი და შეუერთდა უკვე გადმოხვეწილობაში მყოფ საყვარელ მეუღლეს.

შემდეგ, სრულიად ახალგაზრდად დაქვრივებულმა მანდილოსანმა ღირსეულად ატარა ლეჩაქი და სამშობლოს გამოუზარდა შვილები; როცა ის თავის ოთხ ვაჟთან ერთად და შვილიშვილებით გარშემორტყმული საზოგადოებაში გამოვიდოდა, ნამდვილი ძველი ქართული ოჯახი წარმოგიდგებოდა, საფრანგეთში გადმონერგოლი.

ხუთი წლის წინად, სწორედ ასევე ავვისტოში მან დაჰკარგა ერთი ვაჟთავანი-ლევანი. მის შემდეგ ის დარდმა და გლოვამ მოიცვა და სწორედ ხუთი წლის თავზე მან კიდევაც მოისვენა სამუდამოდ ლევილის მიწაში, საყვარელ ქმრისა და შვილის გვერდით, 10.8.1979 წელში. საუკონო იყოს განსვენებულის ხსენება! მის უნუგეშო ქირისუფალ ჩვენი გულწრფელი სამძიმარი.


„საკირო გასწორების“ გასწორება

„ივერიის“ უკანასკნელ, 21 ნომერში ჩემმა მეგობარმა და პატივცემულმა მიხეილ ქავთარაძემ მკაცრად დაიწუნა, შეიძლება ვთქვათ დაგმო „თ.ტ.“ №24-ში გამოქვეყნებული წერილი „1500 წლის წინანდელი გაკვეთილი“. არავეს ეგონოს პოლემიკა მწყევლეს. არა, პირიქით! მეგობრულ პაექრობას რა ჯობია, მაგრამ გამაჰკვირვა მ. ქავთარაძის სიმკაცრემ და მრისხანებამ, თითქმის ზევის იყოს ოლიმპის მთიდან მეხთა მტყორცნელი, რომელსაც აზრადაც არ მოსდის: ხომ შეიძლება ისიც ცდებოდეს? ის მართლაც უშეგებს ამ წერლში ბევრ შეცდომებს, ჩემი ვაგებით, და ზოგიერთი ძალიან მარცხიანიცაა. განვიხილოთ დაწვრილებით: 1. თუმცა ჩემ წერილში გარკვევით მაქვს ნათქვამი, რომ მე „შუშანიკის წამების“ შინაარსის ინტერპრეტაციაში ვეკამათებ სომეხ და ქართველ აკადემიკოსებს და არა მის დღევანდელ, მ. ქავთარაძე მიანტ ბრაზს მდებს ვითომც მე სათანადოდ ვერ დავადასე დედოფალ შუშანიკის მარტილობა. მაშ რაღაა ჩემი წერილის შესავალი და მისი უდიდესი ნაწილი თუ არა აღიარება და თაყვანება, როგორც ნაწარმოების, ისე მისი მთავარი გმირის წმინდა და ნეტარი შუშანიკისა და მათი ღიდი ეროვნული მნიშვნელობისა. განსხვავება ჩემსა და ბატონ მიხეილ შორის მხოლოდ იმაშია, რომ ჩემთვის ნაწარმოებში ყველაფერი ქართულია, მაშინ როცა „ივერიის“ რედაქტორის სომეხი და ქართველი, სომხური და ქართული ერთიერთმანეთისთვის ვერ განუხსნავაგებია.

2. მ. ქავთარაძეს ჰგონია, რომ იაკობ ცურტაველის მოთხრობის საიუბილეო საზეიმო სხდომის დროს ქართველი და სომეხი აკადემიკოსები „ქართულ-სომხურ საქმეს აკეთებდნენ რუსების ცხვირის წინ და, რომ ჩვენ მათ ამაში ხელი არ უნდა შეგუშალოთ.“ მართლაც ასე იყო ეს? რა თქმა უნდა, რომ არა! ძალიანაც, რომ სურვილით ამას ვერ გახვდავდნენ. საქმე სულ სხვანაირად იყო: საბჭოთა იდეოლოგიის მიხედვით და პრაქტიკითაც დაუშვებელია რელიგიური ხასიათის ნაწარმოების ქება და რელიგიისათვის წამებულთა სამაგალითოდ გამოცხადება, ამიტომ ქართველი და სომეხი აკადემიკოსები ხმაშეწყობით დადებდნენ: იაკობ ცურტაველის ნაწარმოები ჰუმანისტურია, პატრიოტულია და ამავე დროს სხვა ხალხებისადმი, კერძოდ სომეხი ხალხისადმი ნამდვილ სიყვარულს ავლენსო, რაც რეჟიმის ოფიციალური ტერმინის აკვეთილი განმეორება და რაც ნაწარმოებიდან სრულებითაც არ გამომდინარეობს. მე რომ ეს ვუთხრა მათ და ნაწარმოების სწორი ინტერპრეტაცია მივცე მკითხველებს ნუთუ „ეს არც ლანაზია არც წესიერია, არც დასაშვებია“, როგორც ამას წერს მ. ქავთარაძე?

მე ვხვდავ მ. ქავთარაძეს თავზარსა სცემს აკადემიკოსის წოდება. მე რომ აკადემიკოს ვე. ხარაძეს ასტრონომის საკითხებში შევეკამათო ან აკადემიკოს ვიორგი მელიქიშვილს ისტორიაში, მაშინ ის მართლაც არ იქნება მართებული, მაგრამ ლიტერატურ-

16/36



რულ ნაწარმოების გარჩევის, პოლიტიკური, ეკონომიური, სოციალური და სხვა აწის-
თანა საკითხების შესახებ თუ ჩვენ მათ კამათი ვერ გავუბედეთ, რადგანაც ჩვენს
შესატყვისი ტიტული არ გავაჩნია, მაშინ ჩვენ გლუბებისა და მუშების გარდა ვერაფერს
მერ უნდა გავუბედეთ სიტყვის შებრუნება, რადგანაც ჩემი და მ. ქავთარაძის სოციალური
გვარდამარეობა მათზე მაღალი არ არის.

3. როგორც მოგახსენეთ ჩემს სტატიაში მე შემოვიფარგლე ნაწარმოების გარჩევით და
ისეთი დაცვენების გაკეთებით, რომელთაც საჯაროდ საქართველოში ვერ გააკეთებენ, მიუ-
ხედავად სურვილისა. მე განგებ არ შევაწყინე მკითხველი ისტორიის მოყოლით, რადგანაც
უკეთეს და უხალესს ვერაფერს ვიტყვოდი იმასთან შედარებით, რაც სამშობლოში დაიწე-
რა იმ დღესასწაულის დღეებში. მაგალითისათვის შემძილია დავისახებლოთ ჟღაბტონ მარ-
იამ ლორთქიფანიძის შესანიშნავი სტატია „ეპოქა, როცა იწერებოდა“ 1978 წ. 10 დეკემ-
ბრის ვახ. „კომუნისტში“, რომელშიც, სხვათაშორის, სიტყვაც არ არის ქართველების და
სომხების მხარდამხარ ბრძოლაზე, როგორც ამას მ. ქავთარაძე წარმოგვიდგენს.

აქ მაინც იძულებული ვარ მოკლედ ვილაპარაკო ისტორიის იმ საკითხებზე, რომ-
ლებსაც მ. ქავთარაძე შეეხო და, რომლებიც განსაკუთრებით მდარნი არიან და მიუღე-
ბენიცი.

მართალია, როცა მ. ქავთარაძე ბრძანებს: „ქართულ-სომხურ ურთიერთ დამოკი-
დებულებას 2500 წელზე უგრძესი ისტორია აქვს. ამ ორი ერის ისტორია დასაწყისიდან
დღემდე კავკასიაში პირველობისთვის ქიშპობის ისტორიაა“-ო. ეს ქიშპობა განსაკუთრებით
სამკვედრო-საიციცხლო იყო ჩვენი ორი ერის ფორმაციის დასაწყისში, მესამე-მეოთხე
საუკუნეებში ქრისტეს წინ, როცა სელევიციების მძღავრ სახელმწიფოს დამხობის შემდეგ,
წინა აზიაში იქმნებდა ორი სომხური სახელმწიფო დიდ და პატარა სომხეთად წოდებული.
ეს სახელმწიფოები ნელნელა მოიწვევენ ამიერკავკასიისკენ, იპყრობენ იქ მოსახლე ქართულ
ტომებს, აწარმოებენ მათ ასიმილაციას, ემუქრებიან კოლხეთის, ქართლის და ალბანეთის
სახელმწიფოთა არსებობას. ეს მუქარა განსაკუთრებით საშიში იყო ქართლისათვის მეორე
საუკუნეში ქ.წ., როცა სომხეთის მეფე ტიგრან დიდმა და პონტის მეფე მითრიდატმა კო-
ალიცია შექმნეს რომის წინააღმდეგ. იმ ხანებში სომხეთმა დიდძალი მიწაწყალი წაართვა
ქართლს, მათ შორის ჰერეთი, კახეთი და ქვემო ქართლი. მაშინ, როცა იმავე საუკუნის
დასაწყისში ბერძენ აპოლოდორის მოწმობით სომხებსა და იბერებს შორის საზღვარი მდინ-
არე არგვი ანუ არაქსი ყოფილა და მამასადამე მოსახლეობა მდინარე არაქსა და მტკვარს
შორის იბერები ანუ ქართველები იყვნენ. მ. ქავთარაძეს ჰგონია, რომ ამის შემდეგ ხუთი
საუკუნის განმავლობაში ეს ქართლის სამეფოს მიწაწყალი, გოგარენი, სომხურად გუგარქა,
მუღმივად სომხებს ეკავად და იქ მცხოვრებნი სულ სომხები ან გასომხებული იყვნენ. ეს
მართალი არ არის. ჯერ ერთი, სომხეთის მძღავრი სახელმწიფო მალე დაამარცხეს რომა-
ელებმა, ქ.წ. პირველ საუკუნის ნახევარში, რის შემდეგაც ქართლის სამეფო თანდათან
ძლიერდება, პირველ საუკუნის ბოლოს და მეორის დასაწყისში ქ. შემდეგ იბერია კავკასი-
ის უმძღავრესი სახელმწიფო ჩანს, ფარსმან მეფის დროს სომხეთსაც იბყრობს და იქ ჯერ
თავის ძმას და შემდეგ შვილს, რადამისტს გაამეფებს. შეუძლებელია, რომ იმ დროს სომ-
ხებს ქვემო ქართლი სჭეროდეთ. ე.ი. გოგარეთ-გუგარქა ხუთი საუკუნის განმავლობაში ხე-
ლიდან ხელში გადადიოდა და 349 წელს ის საბოლოოდ შემოიერთა ქართლის სამეფომ.
მეორე, როცა ლაპარაკია ენის გავრცელებაზე, ეს გულისხმობს სახელმწიფო ენას და არა
ეთნიურს. სომხების ბატონობის დროს ქართლის საპიტიახში სახელმწიფო ენა იყო სომ-
ხური, მაგრამ იქ მცხოვრები ქართველები ქართულს ლაპარაკობდნენ, როცა მას ქართლის სა-
მეფო ეპატრონებოდა სახელმწიფო ენადაც ქართული ხდებოდა. ალბათ ამას გულისხმობს
მ. ქავთარაძის მეორე მოყვანილი ცნობა. მაინც გასაკვირი იქნება ქართული ენა შემოეღოთ
ცურტაგის თემში, რომელსაც ქართლი უწყვეტად ჰფლობდა უკვე ორი საუკუნის განმავლო-
ბაში.

არც ქართლის პიტიახშების სპარსელობა და მტკიცებული, შესაძლებელია მათი
წინაპარი ყოფილიყო აქემენიდების გვარის ჩამომავალი, მაგრამ, თუ ასეა, ისინი სრულიად
გაქართველებულან, ვარსკენ პიტიახში, მისი მამა არაშუშაც, ძმაც ჯოჯიკი და მთელი
მისი ოჯახიც, რომ ქართველი ქრისტიანები იყვნენ, ეს ცხადად ჩანს „წმინდა შუშანიკის“



მოთხრობიდან. სომეხ ისტორიკოსების, მოსე ხორენელის და ფავსტო ბუზანდის, დიდი გზა გასულია ვლენა ჩანს მ. ქავთარაძის წერილში, მათი ცოდნა საჭიროა, მაგრამ ფრთხილად უნდა ვიყავით. კვიციანი, რადგანაც ისინი ძალიან დიდ სომხურ მიკერძოებას იჩენენ. თვით „ქართლის ცხოვრებაშიც“ უხვად არის გადატანილი მათი მცდარი აზრები. თუ გვნებათ ჰაოსის უფროსობის მითი შეთხზულია, როცა ამიერკავკასიაში სომხების ქვეგემინის სუფევდა და შემდეგ ის „ქართლის ცხოვრებაშიც“ შეიპარა. სომხური ზღაპარი მათი კულტურული უმაღლესობისა, ჩვენში სარგის კაკაბაძემაც და კორნელი კეკელიძემაც გაიმეორეს, რომ აეხსნათ ფაქტი ქართლის უწინარეს გაქრისტიანებისა კოლხეთზე, მაგრამ იგი უქუთავდო და გააბათილა ივანე ჯავახიშვილმა. ეს არც ძნელი იყო მისთვის ისეთი მოწმის შემდეგ, როგორც სტრაბონი, რომელიც იბერიას აღწერს, როგორც მკიდროდ დასახლებულს, მდიდარს, მიწის მუშას და განვითარებულ ქვეყანას და, რომ ბარის იბერები კულტურულად სოციალურად და თვით მოკავშულობით მსგავსნი იყვნენ მიდიელების და სომხების. მ. ქავთარაძე კი დაბეჯითებით გვარწმუნებს: „საერთოდ უნდა ვიყოფეთ, რომ მაშინდელი ქართლი ჯერ კიდევ ჩამორჩებოდა სომხეთს—კულტურულად და სახელმწიფოებრივ განვითარებითაც.“ მაშინ, როგორ აიხსნას, რომ ამ „კულტურულად და სახელმწიფოებრივად ჩამორჩენილმა ქვეყანამ გააერთიანა მთელი საქართველო, რომელშიც შევიდნენ ისეთი დაწინაურებული კლხეები, როგორც ტაო, კლარჯეთი და კოლხეთ-ეგრისი, მისცა მას თავისი ენა და სახელმწიფო წყობილება, რომლის საფუძველზედაც შეიქმნა და ჩამოყალიბდა მეცხრე-მეცამეტე საუკუნეების მძლავრი და კულტურული ქართველი ერი და ქართული სახელმწიფო?

სტრაბონის მოწმობა დასტურდება ქართლში წარმოებული არქეოლოგიური გათხრებით, ასურეთის და განსაკუთრებით ურარტუს ლურსმული წარწერების კითხვით. ამ ახლად აღმოჩენილ მასალების და კლასიკური ქართულ-სომხურ-გამოთქმული წყაროების შედარების შედეგად საინტერესო და სერიოზული ნარკვევი გამოაქვეყნა რუსულ ენაზე 1959 წელს გიორგი მელიქიშვილმა: „კ ისტორიი დრევენი გრუზი“, რომელიც მ. ქავთარაძის მტკიცების სასარგებლოდ არ მერყველებს.

გიორგი ქართველი

გ ა ნ ც ხ ა დ ე ბ ა

„ივერიის“ უკანასკნელ ნომერში, მაისი. 79 წელი, დაიბეჭდა მიხეილ ქავთარაძის წერილი „გვებრალებოდნენ გლახანი სულთა“, რომელმაც სამართლიანი გულის წყრობა გამოიწვია სოციალ-დემოკრატიებში. როცა ეს წერილი იბეჭდება ჯერ კიდევ უცნობია მათი ოფიციალური, საჯარო გამოძახილი. ჩვენ, ჩვენი მხრით, საჭიროდ მიგვაჩანა შემდეგი განვაცხადო: ტკივილები, რამაც მ. ქავთარაძეს ეს წერილი დააწერია ჩვენი ქვეყნის ამბებში და ემიგრაციის სავალალო მდგომარეობთაა გამოწვეული, ამიტომ მისი გულისტკივილი და აღშფოთება გასაგებია. ეს წერილი მღვიე პატრიოტის და მამულისთვის გულშემატკივარი ღვენილი სგანაა დაწერილი და ატორის შეცდომებით ამისდა მიხედვით უნდა განისაჯოს.

სტატია მთლიანად აღებული პოლიტიკურად სუსტია. ის ყველაფერს ერთმანეთში ურევს: 1900-ანი წლების ამბებს, დამოუკიდებლობის გამოცხადებას, მის დეკარგვას, ემიგრაციის გათიშულობას ადრე და ჩვენს დღევანდელს საქიბროტოო საკითხებს. ხომ არ შეიძლება დამოუკიდებელ საქ. მთავრობის ცოდვები პ. სარჯველაძეს და ვ. ხომერიკს დაბრალებდეთ, ან პირაქით ამ უკანასკნელების დღევანდელი მოქცევის პასუხისმგებლობა ცხრასიან წლების სოციალისტ ლიდერებს დავაყისროთ? ამავე დროს, მ. ქავთარაძის წერილში მარცხიანი გამოთქმებია. ჩვენს შორის დაუშვებელია დამამციკრებელი ეპითეტები, განსაკუთრებით მთელი პარტიის მიმართ. მ. ქავთარაძე ამას მაშინვე მიხვდა და წერილთ მიმართა „ჩვენი დროშა“.ს რედაქტორს ბ. პ. სარჯველაძეს, რომელშიც ის ბოდიშს იხდის ამ გამოთქმებისთვის და, რომ მას არავის გალანძღვა არ უნდოდა, არამედ ეს მოხდა მის უნებურად. აქედან გამომდინარე, იმ ბოდიშის და გასწორების წერილის შემდეგ ეს სამწუხარო ინციდენტი უნდა ამოიწუროს. ის ვინც ამ შემთხვევას ხელზე დაიხვევს და შეეცდება მტკივნის გაღვივებას მხარეებს შორის, ის მტერი იქნება ეროვნულ ემიგრაციისა და სამშობლოს განთავისუფლების საქმისა.



პოეტ მუხრან მაქავარიანის 50 წლისთავზე
მუხრან! (მიძღვნა)

შევისრულდა ორმოცდაათი,—კიდევ ამდენი.
შენ ღუნიაზე აირჩიე ქართლის ქალები.
მაინც ის სატრფო სულ სხვა არის,
ვითარც აკაკის.
გულს გამეწონა ეგ ისარი შენი არაკის.

სისხლი ბობოქრობს შენს ძარღვებში მამაპაპური,
დამაპრებელი, დაწყენილი, როგორც კახური.
არც ერთი წვეთი იქ არ არის არაქართული.
ღმერთმა გიკურთხოს ვაჟკაცობა და ეგ ჩანგური!
იმერელი

მუხრან მაქავარიანის 4 ლექსი
მარტო იმიტომ

სიტყვებს, წინაბაბთ მიერ გახედნილთ,
ღიდი რუსთველის უღელში ნაბამთ,
შობილთ კლარჯეთით, ქართლით, კახეთით,
ერთად შეკრება რომელიც საბამ;

ვეაღრსები, ვითარცა ყვავილთ,
სიცოცხლეს მარტო იმიტომ მინდა,
რომ ჩემს საფლავზე ყაყაჩოსავით
ჰყვაოდეს სიტყვა, ქართული სიტყვა.

მადლი იმ ზართა

რაც კი ზარია შემოკრული ღემდემ ალავერდს,
მადლი იმ ზართა შეწეოდეს მეზვრე მანაველთ,
მეზვრე ჩემლაყელთ, მეზვრე შილდელთ,
მეზვრე ახმეტელთ!
მე, ვინაიდან ღვინოებში კახურს ვაღმერთებ.
რაც კი ზარია შემოკრული აქამდე ყინწვისს,
მადლი იმ ზართა შეწეოდეს ტურფაა ვინც კი:

მროელთ, არბოელთ, მცხეთელთ, კასპელთ,
გორელთ აგრეთვე!
მე, ვინაიდან ქალთა შორის ქართულს
ვაღმერთებ.
რაც კი ზარია შემოკრული საერთოდ საღმ,
მადლი იმ ზართა შეწეოდეს ყველა ნაღ
ქართველს;
ჰყვაოდეს ქართლი, იმერეთი, ფშავი, კახეთი!
მე, ვინაიდან ღუნიაზე მამულს ვაღმერთებ.

შენ, სისხლო ჩემო!

შენ, სისხლო ჩემო,—სად არ დაღვრილო...
შენ—სად არ გზერებდა შავი ყორანი...
ვინ გაგაკვირვოს, რომ გაგაკვირვოს,—
ნაიდგორალი, ნაშამქორალი.
შენ, სისხლო ჩემო,—შენი ღვაწლია,
რამაც აქამდეც კი მოაღწია:
სვეტიცხოველი... ხანძთა... ვარძია
და ისიც რაც მტერს წარუტაცნია...

შენ, სისხლო ჩემო,—შენი დინება
„ვეფხისტყაოსნით“ ხშირად მიგარდნია...
იტყვა, რომელიც გეჩოთირება—
ვცდილობ გაშორო რაც შემიძლია...
შენ, სისხლო ჩემო,—სისხლო ხნიერო,
დაუცხრომელო და უცნაურო...
საბედნიეროდ, საბედნიეროდ,—
ჰაი, ჰაი, რომ კიდევ ხმაურობ!

* * *

საშველს რომ აღარ მაძღვეს ხოლმე
მამულზე ფიქრი,
ხანდახან გულში ღიმილით ვიტყვი:
რა ჩემი ჭკუის საქმეა ნეტა,
მამულო ჩემო, გილხინს თუ ვიკირს!
რომელი მეფე ერეკლე მე ვარ!

ანდა რომელი მსაჯული მისი!
პასუხად მყისვე, ვითარცა სეტყვა,
ვინც კი და რაც კი არსებობს ირგვლივ,
იხუტვებს ხოლმე, იხუტვებს ერთხმად:
ღალატიაო მაგგვარი ფიქრი!

1963

შეცდომის გასწორება: ამის წინა ნომერში, ქ. სოშიდან მიღებულ ინფორმაციის თანახმად,
დავებქვედი, სხვათაშორის, პ. სარჯველძემ, დამოუკიდებლობის ღვე-
სასწაულზე საკუთარი ლექსი წაიკითხა თქვა. ბ. პავლე გვატყობინებს, რომ მას იქ არავი-
თარი ლექსი არ წაუკითხავს.

შემოწირულებები ერთად გამოცხადდება მომავალ ნომერში.